



Geomar Nadall:
**'Come saludabel pa
miho enfoke y
claridad'** Pag. 5

Diaranson 11 di Maart 2020 www.bondia.com Email: noticia@bondia.com Tel: 582-7800 Fax: 582-7044 1,75 Florin

Aruba ta purba di evita 'aanwijzing'



Pagina 32

- *Oduber:*
**'Prepara' contra
coronavirus ta
subhetivo**

Pagina 2

- **Aruba por
pidi VNOA pa
asistencia
tecnico**

Pagina 31

- **Italia
completamente
cera y oficialnan
infecta**

Pagina 14

Desperdicio of azeta ta dañá planta di purificacion



Pagina 3



Pagina 7

Marcha di oposicion interumpi pa Polis Nacional



Pagina 18

Leipzig ta derota Tottenham

Coronavirus un menasa pa bida di hende y economia mundial

Min Dangui Oduber: Palabra ‘prepara’ contra coronavirus ta ‘subhetivo’



ORANJESTAD – Un microorganismo asina chikito cu bo no por wak’e mes, ta esun cu a bira un menasa pa bida di hende. Pero tambe un menasa contagioso pa economia mundial. Ta trata di e coronavirus of Covid-19.

E ta un virus cu mayoria di caso ta ocasiona un malesa leve, pero cu por resulta fatal pa esunnan mas vulnerabel, hendenan grandi y pashentnan cronico. Un virus cu a afecta e bolsa di balor mas importante di mundo, manera Dow Jones, cu a sufri un crisis financiero no bisto for di 2008. Te hasta prijs di petroleo a cay casi un 17%.

Aruba y coronavirus

Covid-19 ta un virus como tur otro virusnan. Pero e diferencia ta cu e ta un virus super contagioso, locual ta produci cantidad di persona infecta lihe. Esaki ta ocasiona un impacto den cualkier sistema di sanidad te hasta collapse. Na Aruba no a confirma niun caso di coronavirus... ainda.

Sinembargo gobierno a eleva e nivel na esun di ‘crisis’ pa sigura lo miho posibel pa nos tin medio di accesibilidad di fondonan pa atende cu cualkier crisis. Nan a anuncia un centro di diagnostico cu ta bira e localidad pa atende e prome caso coronavirus,

unabes cu e ta wordo conoci oficialmente. Tambe nan a anuncia un call center cu ta accesibel 24 ora pa dia.

Den caso cu un persona ta haya necesario pa descarta cualkier sospecha di e virus, bo por yama libremente na 2800101. Tur esakinan premirando cu cada bes mas e virus aki ta mas cerca di nos. Gobierno ta conseha henter comunidad pa no bay den panico. Pero tambe nan a pidi pa niun hende, y specialmente prensa, no contribui pa crea un ambiente di panico den nos comunidad.

Minister di Salud, Dangui Oduber, a reacciona contra cualkier publicacion cu ta indica cu Aruba no ta prepara ainda pa atende cu e coronavirus. E ta haya cu e palabra prepara ta hopi ‘subhetivo’. Ya cu actualmente nos tin entre otro e test pa detecta e virus y tambe cambenan di isolacion. E mandatario a declara cu Aruba ta cumpliendo cu e regulacion internacional di salud. Ademá nos pais ta hayando sosten y cooperacion di Reino pa yuda nos den cualkier reto relaciona cu e virus aki.

El a bisa cu for di comienso di luna di januari ya caba nos sistema di salud a cuminsa prepara, pasobra nan sa caba cu den cualkier momento e virus aki por yega nos isla

eventualmente pa medio di un turista. “Logicamente salud di nos ciudadanonan ta bin nan prome luga,” el a bisa. E ta haya cu tur e preparacionnan aki ta asina importante pa garantiza cu nos por maneha e situacion, unabes cu e ta presenta.

Ya caba varios casonan sospechoso relaciona cu e virus aki a pasa test, y nan a resulta negativo, kiermen no a wordo confirma. Asina e mesun minister di Salubridad Publico, Dangui Oduber, a yega di declara durante un conferencia di prensa, dialuna ultimo.

Nan ta monitor constantemente cada ora, pero e mandatario no a descarta cu den cualkier momento un caso importa di Covid-19 lo por presenta na Aruba. El a compromete su mes cu unabes esaki lo sosode, nos comunidad lo wordo informa debidamente di dje. “No tin motibo pa keda sin duna informacion y nos ta keda haci esey tambe,” el a bisa.

Igualmente e hoben mandatario bistiendo su pechi di minister di Turismo a expresa su preocupacion riba e impacto cu coronavirus lo por tin pa nos principal y practicamente unico pilar economico. El a laga sa cu ya cantidad di cancelacion ta tumando luga den nos sector hotelero.

Un factor cu ta faborece nos, y cu tin biaha nos ta keha di dje, ta temperatura halto. E virus super contagioso aki no ta biba asina largo bao e temperatura cu nos ta bida aden den nos region Caribense.

Panorama global

Antes informacion internacional tabata relata victimanan fatal y cifranan di personanan contagia na China so. Awor nan ta referi na otro paisnan, tanto na Asia, Europa, Nort America, Caribe y Sur America, pues e ta na porta pa declara un pandemia pa Organizacion Mundial di Salud (WHO).

Actualmente e situacionnan ta birando proporcionalmente robes. Mientras cu na China -unda e virus a wordo descubri na Wuhan- e cantidad di casonan a cuminsa baha. Di otro banda e cifranan di casonan registra den varios continente a cuminsa subi keto bay.

Ta asina cu na China alrededor di 80.750 persona a resulta contagia cu e virus Covid-19. E hecho aki a conduci cu e gobierno Chino a dicidi di bin cu medidanan pisa y stricto nunca antes bisto pa controla cu e virus aki lo por sigui plama den su poblacion, entre nan cuarentena masivo. E resultado ta bisto! Dialuna WHO a señala cu un 70% di e personanan infecta cu e

nobo coronavirus na China a bira bon. Ademá e pais aki ta muestra cu nan ta bin controlando su epidemia.

Mientras cu e virus aki a yega caba na mas cu 100 pais di varios continente, caminda e cifra di personanan infecta ta supera ampliamente mas cu 100 mil. E presencia di e virus aki a bira un reto pa nan sistemanan di salud, pero tambe un menasa pa esunnan menos desaroya. Actualmente 60 miyon di Italiano ta regarda den nan pais y den nan cas. Bon Dia Aruba a tuma contacto cu un ciudadano na Florencia, ciudad situa parti nort di Italia, kende a prefera di keda anonimo. El a relata loke nan ta pasando aden actualmente. El a bisa cu coronavirus ta algo cu nos tur mester tuma na serio.

E ta remarca riba esaki, ya cu na Italia a pesar cu e expertonan tabata suplica pa tene cuenta cu tur medida di prevencion, y abstene di biaha di un ciudad pa otro, nan no a wordo tuma na serio, y awor nos por mira e consecuencianan.

For di dialuna henter territorio Italiano a wordo declara ‘zona cora.’ Esaki kiermen cu e poblacion mester keda den nan cas. No tin scol, universidad, teatro, discoteca, gym y niun tipo di actividad deportivo. E restaurantnan mester cera pa 6’or atardi (18:00). Tur e medidanan aki ta dirigi pa proteha nan poblacion y muy specialmente e hendenan grandi y tambe e pashentnan cu malesanan cronico.

“E unico cos cu nos por haci ta keda na cas pa evita cu nos por resulta contagia cu e virus of loke ta pio, pa evita cu e virus no plama mas...” el a bisa. E ta reconoce cu e medida aki ta un sacrificio grandi, pasobra nan ta sinti cu nan no tin libertad. Pero esaki ta e medidanan mas prudente y adecua pa yuda alivia e presion riba nan sistema di salud y tambe nan capacidad di carga den nan hospitalnan.

Mientras cu tin tratamento cu ta dunando resultado positivo, fundacion Bill y Melinda Gates y otro dos organizacion di caridad a priminti di entrega te hasta 125 miyon dollar pa accelera e desaroyo di tratamento contra coronavirus.

Gisbert Boekhoudt di Directie Natuur en Milieu, tocante waterzuiveringzinstallatie

‘Na momento cu tira azeta di auto den toilet, pa dos siman sistema di purificacion no ta funciona’

ORANJESTAD – Algun dia atras, comunidad a haya e noticia di e mantencion cu waterzuiveringsinstallatie na Bubali plas mester haya urgentemente pa no causa un calamidad pa Aruba. Director di Directie Natuur en Milieu (DNM), Gisbert Boekhoudt a señala cu hende mester ta consciente pa no basha desperdicionan di cushina, kimiconan of azeta den e sistema di drain na cas.

E planta di purificacion di awa su destinacion ta pa purifica e awa sushi, awa preto of shinishi, den un calidad hopi mas haltu; pa reduci cu 90% e input cu ta supone di wordo saca afo. Esaki ta na riesgo aworaki y e tin su impacto riba e plas mes y tambe riba lama.

E luga cu por ta mas afecta den lama ta esun na unda tur hende ta landa na Palm Beach, sea turista of local. Tambe tin impacto riba coral rif. Boekhoudt a anuncia cu aña pasa nan a guia Caribbean Research and Management of Biodiversity (CARMABI) pa haci un investigacion riba e calidad di e coral rif di Aruba, desde nort te sur. A resulta cu e calidad di nan a disminui pa via di e cantidad di nutricion cu a bin den lama di parti di e



purificacion, cu ta menos cu mester ta.

Di esaki, tambe el a menciona cu tin otro bacterianan, conoci como Algal blooms, cu ta haci cu awa ta cambia di colo y ta reduci su transparencia y si nan no lo wordo haci e riesgo ta bira mas grandi.

Boekhoudt a duna di conoce cu e mita di e awa cu tin den waterzuiveringsinstallatie su calidad ta abou. Di mesun

manera a keda conoci cu e planta aki tin 48 aña y door di esaki e calidad a cambia; asina tambe loke e comunidad ta usa y come, pero tambe nos hendenan ta haci uso di remedi y otro kimiconan pa lava cushina of vloer, loke ta causa un impacto negativo riba e sistema.

E planta aki, el a afirma cu no a wordo destina pa procesa por ehempel, desperdicio di cushina of azeta. “Esaki ta

pone e sistema upset”, su objetivo ta pa trata awa di toilet, pero no pa e kimiconan cu hende ta usa den cas pa percura cu esey ta den bon condicion.

“Tin biaha cu hende ta tira azeta di auto den toilet. Manera esey ta cay aden pa dos siman henter sistema ta upset, no ta funciona mas”, Boekhoudt a menciona.

El a splica cu e microorganismo cu ta den e sistema, cu ta haci e proceso door di come e nutrientenan, nan ta muri of stop; e ora ey e awa ta bira mas sushi y e holo ta bira pio.

Tambe el a sigura cu loke nan a haci hunto cu DOW y AHATA den dos ocasion na 2013 y 2017, ta cu nan a acerca e hotelnan cu ta conecta cu Bubali Plas pa puntra nan kico nan ta descarga. E ora ey nan a duna e informacion pakico e planta ta wordo destina pa procesa cierto tipo di awa y ki sortu di awa of producto no por procesa.

Boekhoudt a trece dilanti cu tambe ta existi poolnan cu awa di lama. Esaki tambe ta causa dañonan den sistema y cada otro kimico cu no ta di ‘toilet’ ta stroba su funcionamiento.

Boekhoudt a anuncia cu nan a acerca hotelnan mes pa nan tuma nan responsabilidad. Cada hotel por bin cu un sistema pa ‘catch’ azeta di cushina. Loke nan mes-

ter ta pa pone e azeta apart y contrata companianan y fundacionnan cu ta colecta esaki.

Esaki no ta un yamado solamente pa Gobierno cu tin un tarea den esaki, pero tambe e usuarionan y henter comunidad, cu tambe tin un tarea. El a informa cu conhuntamente cu AHATA nan tin un bista di kico e companianan hotelero ta descarga y kico nan tabata haci cu a bira menos.

Siman pasa, durante un conferencia di prensa a keda conoci cu waterzuiveringsinstallatie no por carga mas e desaroyo den e area y mester di un renobacion urgente, prome cu sucede un calamidad pa Aruba.

Di esaki, minister di Infraestructura, Desaroyo Teritorial y Medio Ambiente, Marisol Lopez-Tromp a anuncia cu aworaki ta den proceso pa reuni y traha conhunto cu otro instancianan cu por yuda pa yega na un posibel solucion. Pero tambe ta nifica cu no solamente Gobierno, sino esunnan cu ta den e area ey cu ta haci uso di e planta aki directo of indirectamente mester participa den e solucion.

Den transcurso di añanan cu gobierno tabata cera acuerdonan of ainda ta cera, entre otro cu hotelnan, e parti aki no ta hinca específicamente aden y por ta cu lo considera pa hinca esaki den acuerdo pa futuro.



Premier Evelyn Wever-Croes:

‘Creatividad di Arubianonan lo sigura cu nos lo adapta y innova na cualkier cambio’



ta den nos DNA”, Premier Evelyn Wever-Croes a expresa recientemente den su discurso den e Conferencia di Hende Muhe riba dia internacional di hende muhe.

Segun un comunicado di prensa di gobierno, nos pilar economico principal awor ta e industria turistico, cu a crece danki na nos recurso natural unico, e cordialidad di nos hendenan y e lama bunita cu ta rondona nos. Pero prosperidad economico di Aruba no semper tabata turismo.

Antes e tabata e industria petrolero, e refineria, cu a duna hopi hende un trabou y perspectiva laboral prometedor. Nos tur ta corda cu e momento cu e refineria a cera su porta a causa cu hopi hende a perde trabou y nos a haya nos den un crisis economico.

Sinembargo ta den e momento di crisis ey nos como Arubianonan a sa di adapta y innova. Danki na e curashi di

entrepreneurs local e tempo ey, a logra desaroya un pilar economico nobo den turismo den apenas algun aña y te dia di awe esaki ta un pilar hopi exitoso y prometedor. Esaki ta prueba cu nos tin e habilidad di adapta y innova den tur circunstancia.

Premier Evelyn Wever-Croes: “Nos a logra desaroya nos pilarnan economico exitosamente den pasado, pasobra cada reto nos a enfrenta cu curashi y cu vision. Mescos cu e temponan di inseguridad cu nos a enfrenta ora e refineria a cera na 1985, nos ta enfrentando momentonan di inseguridad similar awor, cu futuro insegur di e refineria, cu menasa contra nos turismo pa e corona virus y nos lo lucha pa desaroya ambos pilar exitosamente, pero mes momento nos mester enfrenta e retonan cu e mesun curashi, cu e mesun habilidad di adapta y innova. Esey lo haci nos como pais hopi mas fuerte”.

ORANJESTAD – “Tecnologia ta cambiando hopi lihe y e cambianan aki ta trece hopi oportunidad nobo si nos sa di adapta y

innova na tempo. Di bay cu e cambio y no keda pega den loke ta muestra awor di ta nos comfort zone. Nos ta un comunidad cu di na-

turalesa ta hopi creativo y innovativo. Nos imaginacion no conoce limite, un bon ehempel ta nos creatividad den carnaval. E

Michael Goldstein:

‘Ta importante pa duna sosten na Imeldahof’

ORANJESTAD – Imeldahof lo tene nan evento anual pa seis aña ‘Zumbathon’, cu ta pa recauda fondo pa nan localidad y pa sostene e muchanan di Aruba. E evento ta awe nochi cuminsando 6:30 pm.

Joanne Maduro, begeleider di Imeldahof a duna di conoce cu e Zumbathon lo tuma luga na e plenti di Volleyball. Nan meta ta pa recauda fondo pa sigui traha cu e muchanan.

Nan ta conta cu yudansa di varios persona y for di New York, entre nan Michael Goldstein, kende ta persona cu a bin cu idea pa cuminsa cu e actividad aki. Goldstein ta splica cu e tin 14 aña binando Aruba. “Ami cu famia ta sinti nos mes na cas.”

Goldstein ta comparti cu el a bin cu idea 6 aña pasa pa asina recauda fondo pa Imelda Hof por sigui sostene e muchanan. “Ami cu mi famia a bin pa yuda, nos ta train e muchanan pa haci cosnan cu otro, haci wega, lesa buki.”

Pa e motibo aki nan a wak e necesidad pa un actividad asina y dicidi pa tuma iniciativa pa ‘laga henter e isla sa cu nos ta existi’ y por gana placa pa e fundacion. El a bisa cu e prome biaha cu a organisa 50 persona so a bin, pa aña pasa nan a conta cu 125 hende.

Goldstein ta bisa pa hende bin pa aporta y yuda pa informacion yega mas leu. E tin experiencia den organisa evento asina na New York y rond di otro pais cu el a bishita, tambe a haya cu Aruba mester e yudansa.

El a expresa cu e ta wak cu na Aruba, e muchanan di Imeldahof ta mas grandi di edad. “Ta parce cu hende no ta interesa den mucha grandi.” E ta compronde cu ta mas dificil pa tuma un mucha grandi, pero toch ta keda importante pa duna sosten.

Persona cu participa lo por baila conhuntamente cu e muchanan y ta un manera pa mantene tur hende activo. Nan ta contento cu diferente sponsor cu a aporta pa e ac-

tividad bira posibel.

Nan ta conta cu diferente instructor local y internacional. Pa mas informacion por check riba pagina di Facebook di Imeldahof. Tambe a

bisa cu lo tin diferente premio pa persona cu participa.

Locual e ta bisa cu ta importante ta pa hende por baila y e muchanan sinti bon y contento. “E ta bon pa hende sa

cu Imeldahof ta existi, pa nan por duna sosten. Ta invita pueblo di Aruba pa atende, diberti y yuda e muchanan local cu mester di e ayudo.”



BONDIA
ARUBA

Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Ass. Dir. Ehecutivo
Xiomara Arends

Redaccion Ehecutivo
Leo Maduro (hefe de redaccion)
Nicola Gonzalez (redactor ehecutivo)
Pilar Flores (redactor ehecutivo)

Redaccion
Benjamin Romero
Kenna Hernandez
Andreina Morillo

Departamento Digital
Juan Luis Pinto

Ehecutivo di Benta
Sulaika Croes
email: sulaika.croes@cspnv.com

Linda Reijnders

Aviso y Arte
Sandra Loefstop
Lisa Tromp
Shannon Geerman

Administracion
Mariette Engelhart
Martha Arteta de Ariza
email: accounting@bondia.com

Distribucion
Jenny Kelly

Coleccion
Evelinda de Cuba - Tromp

Pre Press
Luis Fernando Arenas (Hefe)
Pablo Libre

Press
Roland Schenker (Hefe)
Omar Ramirez
Martin Boekhoudt
Francis Dirksz

Colaboracion
Luis Villegas
Associated Press
Ret Karibense
Upload Media Aruba

Afiliacion
Sociedad Interamericana
di Prensa (SIP)

DIRECCION
Adres: Weststraat #22
Tel: 582-7800 / Fax: 582-7044
Email: noticia@bondia.com
aviso@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Geomar Nadall:

‘Come saludabel pa miho enfoke y claridad’



ORANJESTAD – Bon Dia Aruba a papia cu Geomar Nadall, kende ta splica tocante cambio cu el a tuma den su bida pa un bida saludabel pa su curpa, y mentalmente pa por maneha e mundo druk di awendia.

Geomar Nadall ta bayendo pa varios año comiendo vegan. Un cambio cu el dicidi pa haci despues di mira un video cu yama ‘Earthlings’, cu a habri su wowo na e maltrato cu tin pa naturalesa y ser bibo na mundo.

Den un periodo di 8 luna el a haci e transicion pa bira vegan. Un persona vegan no ta come nada di cu ta sali di bestia of wordo traha di bestia. Un ehempel manera keshi of webo of material cu ta sali di bestia.

E maltrato di con ta inyecta un bestia of mata nan di un manera cruel el a dicidi di no come mas bestia. Basa riba un plan di dieta di planta y fruta. A puntra Nadall con su curpa ta sinti despues cu el a haci e cambio. E prome cos cu el a sinti tabata ‘menos hincha’.

Segun Nadall ta splica nunca e tabata un persona gordo, e ta splica, pero e tabata bebe proteina y algun cos den su curpa cu tabata lag’e sinti ‘bloated’, manera yen. Tambe ta remarca cu e proceso a yud’e mentalmente.

“Dia cu mi a cuminsa hinca fruta den mi curpa, mi mente a cambia completo. Mi por enfoca miho, mi por corda miho, mi tin demasiado energia, hopi concentracion y mi mente ta cla”, el expresa.

Sinembargo Nadall ta bisa nos cu awendia hende ta biba den un sistema cu tur cos ta ‘pura’ anto persona ta enfoca riba tur cos rond di nan, menos pa nan mes. “Pura pa yega tal ora, haci lihe pa trabou, trafico lihe”, y pa es motibo ta come menos saludabel.

Un bida manera e ta bisa ‘hectic’ (druk), anto e esey ta stroba hende di realiza kico ta hinca den su curpa ora di come. “Nunca nos ta pensa esey” pa motibo cu mentalidad di persona ta hinca otro caminda, manera rednan social of otro interes di bida.

Aunke Nadall ta compronde cu un bida cu ta ‘plant based’ por ta caro na Aruba, pero e ta conseha pa hende purba. “Rond di Aruba tin luga cu hopi fruta, anto hende por coy tanten no ta paden cura di hende.”

Anto purba di cumpra esunnan cu ta menos costoso, y lo nota cu ‘fruta ta trece cambio den bo bida’. Tambe su cambio den manera di come. E ta remarca cu cada hende tin cu tende locual nan curpa ta bisa.

A puntra Nadall cu awendia tin dokter cu ta bisa cu persona mester di carni

den nan curpa. E ta contesta cu pakico mester come carni, si un e curpa di ser humano ta produci vitamina, mineral, aminoacid y mucho mas.

“Di unda e bestia ta haya tur su vitamina, mineral? Pakico nos tin cu come carni, si e mes bestia ta hay’e di mata. Dicon nos mes no ta bay directo na e mata? Pakico nan lo recomenda esey? Pasobra e ta un custumber di e programa. E sistema cu ta den dje cu e ta bon pa bo, anto no ta asina.”

Pa un persona por ta dificil pa laga atras cuminda cu semper a custuma di come henter nan bida. Pues e ta conseha manera e mes a stop cu carni, el a sigui cu galiña, un tempo despues el a stop despues pisca, te ora cu el a stop completamente.

Un persona mester por sa kico pa come si, pasobra e ta agrega cu batata y hopi aros, cu no tin nada cu bestia pero ta come den exceso, tambe ta haci daño. “Ta bon pa semper tin un balans.”

Den pasado Nadall tabata un body-builder anto e no tabata sa con pa come. Un fase den su bida ‘mi a crece di etapa ey’. Actualmente e lo kier conseha pa hende cambia nan estilo di bida. “Si nan stima nan mes y kier pensa miho, pero ta algo cu cada persona tin cu kier. Pa un miho enfoke mental y claridad.”



Bolivia: General temporalmente ta asumi Ministerio di Defensa

LA PAZ (EFE) – General di division Gaston Ramiro Peñaloza desde diamars ultimo temporalmente ta asumi como minister di Defensa di Bolivia, pa reemplaza Luis Fernando Lopez, ken a substitui despues di haya censura di parti di Parlamento, cu tin mayoria di partido di Evo Morales.

General Peñaloza a cuminsa eherce su funcion temporal cu posesion di representante di Fuerzas Armadas den e Hunta Superior di Decisionnan di Corporacion di Seguro Social Militar (Cossmil), cu lo realisa e funcionnan aki te añ 2021, di acuerdo un boletín di Ministerio di Defensa. Den un ‘extraordinario’ re-



union a realisa e nombramento di seis oficial representante di Fuerzas Armadas den e hunta aki, despues di keda eligi ‘democraticamente, mediante eleccionnan’, segun e

comunicado a señala. Dialuna ultimo, Luis Fernando Lopez cu tabata Minister di Defensa te e dia ey, a ser substitui pa e presidente encarga di Bolivia, Jeanine

Añez, despues cu a ser censura pa Parlamento tres dia prome ora no a presenta pa su di tres interpelacion. Lopez a pidi pa pospone e interpelacion ey riba accionnan

militar den e jornada mas critico di e crisis social y politico di november ultimo na Bolivia, den cual casi 20 persona a muri, segun fuente distinto na ciudad di Sacaba y El Alto. Presidente di Asamblea Legislativo, Eva Copa, di Movimiento al Socialismo (MAS) di Evo Morales, a pidi pa respeta e Constitucion, cu ta establece cu un minister censura mester retira, despues di afirma cu ausencia di Lopez tabata ‘inhustifica’.

A traves di un decreto presidencial, Añez a laga sin efecto e funcion di Lopez, sin emplea termino como finalizacion y temporalmente a nombra e vice-minister interino di Defensa, Gaston Ramiro Peñaloza, como minister temporal nobo.

Brasil: A descubri red di corrupcion na alcaldia di Río de Janeiro



RIO DE JANEIRO (EFE) – Diamars ultimo, un operacion policial a descubri un red di corrupcion cu ta opera den distrito di Rio de Janeiro y cu por tin relacion cu alcalde di e di dos ciudad mas grandi di Brasil, e influyente pastoor evangelico Marcelo Crivella.

Den un operacion conhunto, agentenan policial Civil y di Fiscalia a cumpli ayera diamars mainta 17 orden pa drenta den diferente luga y asina a haya pruebanan posibel cu tin vinculo cu presidente di e empresa municipal di promocion di turismo (Riotur), Marcelo Alves.

“E ordennan ta resultado di un investigacion cu ta andando pa verifica sospecha di irregularidad relaciona cu empresanan contrata pa alcaldia di Rio de Janeiro”, Fiscalia a splica den un comunicado. Tambe a aclarar cu no por duna mas detaye pa no stroba e proceso hudicial.

E mandato hudicial a bin for di un investigacion conoci como ‘Cuartel General di los sobornos’ na alcaldia di Rio de Janeiro, pa verifica e denuncia di Sergio Mizrahy, deteni añ 2017 pa su responsabilidad di irregularidadnan cu relacion na Lava Jato, e operacion mayor pa combati corrupcion na histo-

ria di Brasil. Den un acuerdo cu Fiscalia na december ultimo pa denuncia su complice a cambio di beneficio hudicial, Mizrahy a denuncia e existencia di un red cu tabata exigí soborno di empresanan interesa pa haya contractnan cu alcaldia di Rio de Janeiro na Gobierno di Crivella, cu a cuminsa su gestion na 2017.

E alcalde di Rio de Janeiro ta aspira pa e reeleccion den eleccionnan municipal di october proximo y p’esey ta negosha apoyo tanto di presidente Brasileiro, Jair Bolsonaro, como di gobernador di estado di Rio de Janeiro, Wilson Witzel.

Ocho fayecido pa masacre na frontera di Colombia y Venezuela

LA FRIA (Infobae/ElPilon) – E zona di Colombia frontera cu Venezuela a biba un hecho di violencia cerca Cucuta, centro di enfrentamento entre guerrilla y gruponan neoparamilitar pa haya control di ruta di narcotrafico y di e teritorio. Segun autoridadnan a informa, e ultimo combate entre ELN y grupo di Los Rastrojos a laga ocho persona fayecido.

E victimanan ta di nacionalidad Colombiano, pero nan morto a sucede na teritorio Venezolano, na zona di La Fria, y e curpanan a ser hiba



na otro banda di e frontera pa laga nan na un caya cerca di Norte de Santander yama el Paramito, unda a haya e curpanan diadomingo ultimo. “A pone e curpanan haya na

disposicion di Policia Nacional y CTI di Fiscalia, ken a haci presencia na e luga”, Ehercito a bisa, a traves di un comunicado.

Di acuerdo cu e comandante di Polis di Cucuta, Jose Luis Palomino, ora a revisa e curpanan a determina cu e ocho persona aki a muri na otro luga y cu despues a hiba y

bandona nan na vereda di Paramito. “Den e proceso di investigacion a logra establece cu desde 48 ora pasa e personanan aki a perde nan bida, nos ta wak cu e ocho persona no a fayece na e sitio aki, nos no a haya pruebanan pa confirma cu na e sitio aki nan perde nan bida” e oficial a sigura pa medionan local.

Asina mes, Alcaldia di Cucuta a pidi pa Gobierno Nacional haci un intervencion den e zona di Catatumbo, e cual ta parti di e distrito fronteriso como e caya na unda e curpanan a ser haya y cu awe ta concentra e conflicto cu ainda Colombia ta padece.

Cuba: No tin galiña mas den tienda

(CiberCuba) – Na Cuba no tin galiña mas den tienda y no sa tampoco ki dia lo tin atrobe den e tiendanan na e isla cu ta cuminsa muestra señalnan di falta di varios producto clave pa e dieta di e Cubano.

Un fuente a manda e medio CiberCuba imagennan di e tienda estatal El Ocuje, na Casino Deportivo, na Habana, unda tin un borchu cu ta bisa cu no tin galiña, pa e clientenan no mester puntra mes. Segun e fuente hende ta cuminsa muestra frustracion y impotencia ora nan yega na e tienda. “E situacion di galiña awor ta hopi pio cu den e crisis cu tabatin poco tempo

pasa,” el a sigura. Tambe el a bisa cu ta algun mercado na e capital tin galiña na benta pero e ta caba rapidamente. “Hende ta para den rij di marduga caba pasobra nan ta parti ticket. E rijnan ta te pafo y nan ta despachando cinco kilo so pa persona,” el a agrega.

“E hendenan ta manera loco cu e situacion aki, pero nan tin hopi miedo,” e Cubano aki ta bisa. El a splica cu tur e mercadonan aki tin vigilancia di polis y nan no ta permiti filmamento ni saca potret.

“Awor mes practicamente tur producto di prome necesidad ta regula: galiña, habon, detergente, refresco cu gas, gas pa cushina, etc.,” el a conta.

Otro usuario tambe a conta



riba rednan social cu e tienda Panamericano "El Sol", na reparto Alamar, a cera sin avisa e poblacion. “Cada dia bida ta bira mas dificil,” e us-

uario Daniel Garcia ta bisa, cu ta enfatisa cu e no ta pidi diversion sino algo asina imprescindible manera alimentacion.

E medidanan di gobierno Mericano contra regimen Castrista a cuminsa afecta bida diario di e ciudadano Cubano severamente.

Venezuela: Marcha di oposicion interumpi pa Polis Nacional



(ElNacional/LaPatilla) – E marcha di oposicion organisa ayera na Caracas, cu a sali di plaza Juan Pablo II na Chacao a topa cu un blokeo di Polis Nacional Bolivariano (PNB) riba avenida Francisco Solano cu a impedi nan paso.

E multitud, dirigi pa presidente interino Juan Guaido, hunto cu diputadonan di Asamblea Nacional, tabatin intencion di yega na sede di Asamblea pero no por a pasa. E lidernan a purba dialoga cu e funcionarionan di seguridad di estado pa nan habri paso pa e marcha.

Sin embargo, un grupo di persona a cuminsa tira obhetu riba efectivonan di PNB y nan a responde tirando bom lacrimogeno riba e manifestantenan.

“Awe ta keda un biaha mas bon cla cu e dictadura ta pro-

hibi e diputadonan pa yega na Palacio Federal Legislativo. Nos a logra nos obhetivo, nos a yega te aki y nos a demostra cu e regimen tin miedo,” Guaido a declara na e presentenan algun momento prome cu e represion a cuminsa.

El a sigura cu aunke no a logra yega na Palacio Federal Legislativo, di igual forma lo a realisa e sesion di Asamblea Nacional riba caya.

“E obhetivo di awe ta pa tene e sesion, e dictadura cu su militarizacion no lo bay impedi esey,” Guaido a bisa. E Asamblea Nacional legitimo a tene un sesion cerca di plaza Alfredo Sadel di Las Mercedes na municipio Baruta, y a aproba loke a yama e “Pliego Nacional de Conflicto,” un propuesta pa reactiva e protestanan publico contra e dictadura.

Guaido a dirigi palabra tambe na e cuerponan di seguri-

dad y a acusa nan di ta complice di e regimen di Maduro.

El a bisa cu nan tambe ta sufri den e crisis di e pais y por lo

tanto mester pasa pa banda di e pueblo.

DOMESTICO
10 %
FUNDACION MISA SCOL
9 %
COMERCIO
7 %

REBAHO DI CORIENTE JANUARI 2020

LOKE BO TA PAGA NA CORIENTE, TA DEN BO MAN

PAGA LUZ PROME CU BO SALI

UTILITIES ARUBA^{NV}



Rey Hulandes a pidi Indonesia disculpa pa violencia durante guerra



AMSTERDAM (Dutch-News) - Rey Willem-Alexander a pidi Indonesia disculpa pa e violencia exceso di soldaatnan Hulandes durante e guerra di independencia di Indonesia di 1945-1949. E rey den su prome bishita oficial na e estado di Indonesia, a bisa den su discurso cu bo no por cambia e pasado y cu cada generacion lo tin cu reconoce esaki. “De acuerdo cu e declaracionnan anterior di mi gobierno, mi kier expresa mi disculpa pa e violencia excesivo pa parti di e Hulandesnan den e añanan ey” e rey a bisa.

“Mi ta haci esaki den pleno comprension cu e dolor y e tristesa di e famianan afecta ta sigui sinti te dia di awe”. Sin embargo, el a continua “e ta un señal di encurash y speranza cu e paisnan cu algun bes tabata na banda contrario por a crece”. Mas cerca y desaroya un relacion nobo basa riba respect, confianza y amistad. “E intervencionnan militar Hulandes na Indonesia, o e Indies Hulandes como ta conoci e ora, a sigui e proclamacion di e Republica independiente di Indonesia na 1945 y a dura te cu e pais a haya su independencia oficialmente na 1949 despues di e luga sangriento.



Na fin di 2011 Hulanda a finalmente disculpa su mes formalmente pa e masacre di cientos di homber y mucha na e village di Rawagede na 1947 y na 2013, e embahador Hulandes a haci un disculpa similar.

Na 2015 prome minister Mark Rutte a lamenta e echo cu e victimanan di Indonesia di e invasion Hapones durante e segundo guerra mundial a sinti nan mes incomprendible pero nan a stop y a pidi

disculpa. Na 2016 e gobierno encarga un rapport den e proceso di decolonisacion, cu ainda no ta ser completa. E bishita di estado cu tambe ta inclui un mision comercial grandi, ta extende te cu diabierna.

E programa a ser adapta despues di un accidente di barco na e parke nacional Sebangau na unda cu siete persona a muri. E accidente a sosode ora cu nan tabata haciendo e preparacionnan pa ricibi e rey y reina Maxima.

Nobramento di Steven Martina como minister posponi

WILLEMSTAD (curacaochronicle) - A supone cu e parlamentario mester a aproba e credencialnan di Giselle McWilliam dialuna durante un reunion. Ta supone cu e presidente di e partido MAN di McWilliam, Yves Schoop, kende a reemplaza su persona ora cu el a ser nomina como minister, mester renuncia su asiento pa asina McWilliam regresa parlamento. Steven Martina, e lider politico nobo di e partido tabata cla pa huramenta como minister di desaroyo economico pa e gobernador Lucille George-Wout. Pero nada di esaki a sosode.

Diamars ultimo Giselle McWilliam mester a renuncia como minister y por lo tanto habri e caminda pa Steven Martina huramenta. Esaki tabata e acuerdo di e partido ora cu Martina a renuncia debi na un investigacion den su contra pa conflicto di interes.

Tur esaki a ser posponi pa motibo cu gobernador kier mas informacion tocante e caso contra Steven Martina. Un biaha mas un grupo di interes encabesa pa Carlos Monk, di e partido opositor Korsou di Nos Tur (KdNT) a presenta un denuncia penal contra di Martina y prome minister Eugene Rhuggenaath, kende tabata formado di e gobierno actual. E grupo ta bisa cu e prome minister sabiendo esaki a acepta e nominacion di Martina como minister, mientras cu



e no a distancia di su accionnan na e compania di seguro Guardian Group.

E nombracion di Martina a ser posponi te cu mey proximo. Varios miembro di partido MAN tambe ta puntra pakico Martina mester bira minister. Nan ta kere cu McWilliam ta haciendo un bon trabou y no mester renuncia. Martina a splica cu el a campaña primintiendole cu e lo traha pa e economia di Korsou y a ricibi suficiente voto pa ta minister den e gobierno aki.

Gobierno lo actua contra prijs di productonan antibacterial



WILLEMSTAD (curacaochronicle) - E minister di Desaroyo Economico Giselle McWilliam ta adverti e doñonan di negoshinan na Corsou pa no abusa di e menasa di coronavirus y aumenta considerablemente e prijs di e productonan.

Esaki ta inclui habon antibacterial u desinfectantenan pa man. Segun e minister e gobierno, a traves di su ekipo di inspeccion MEO, lo actua den caso si abusa di prijs.

Cuater homber cu paspoort falso aresta

PHILIPSBURG (thedaylyherald) - Agentenan di inmigracion y ekipo Alpha di polis a resta cuater homber na aeropuerto Internacional Princess Juliana durante fin di siman pa intenta di drenta e pais uzando paspoortnan falso.

Un homber M.J.D. a wordo aresta diasabra alrededor di 3or di atardi pa tin un paspoort falso di Antigua y Barbuda. Homber a yega Sint Maarten riba e vuelo di Re-

publica Dominicana. Dos homber C.C.D. y M.S. a wordo aresta alrededor di 4:40pm diasabra pa posicion di paspoort Canades falso cu a yega Sint Maarten riba e vuelo desde Haiti.

E homber J.W.F aresta 4:45pm diadomingo tabata den posicion di un paspoort falso di Dominica, y tambe a bin riba e vuelo di Haiti. E cuater sospechosonan a wordo hiba warda di polis di Philipsburg, na unda nan ta wordo deteni y interroga.



Inversionista stranhero cu participacion grandi den mercado Hulandes

AMSTERDAM (Dutch-News) - Segun studio nan realisa pa Diloitte, e number di fusionnan y adkisionnan den e sector Hulandes di atencion y ciencia di bida ta involucra capital priva a aumenta pa di cuater biaha consecutivo aña pasa. En particular e companianan specialisa den ayudo medico y ciencia di bida tabata obhetivamente popular, cu reglanan Hulandes complica cu ta hacie dificil pa eherce cargo di institucionnan real como clinicanan y hospital, Deloitte a bisa.

Ademas e capital priva stranhero tambe ta descubriendo e sector Hulandes, segun e investigacion. E cumpradonan stranhero ta participa den 39 di e 106 fusionnan y adkisionnan pa balor di mas di 5 milyon euro aña pasa. Esaki, Deloitte a bisa, e ta un aumento di 44% di e aña anterior. E balor total di e transaccionnan tabata 2.400 milyon euro. E sector di atencion ta enfrente un desafio grandi y lo tin cu ta mas eficiente pa continua brindando atencion cuida na tur hende, socio di Deloitte, Dagmar Enklaar a bisa.



Ombudsman ta haya cu kehonan contra OM ta bon funda

KRALENDIJK - Ministerio Publico di Bonaire a comete erornan y a tuma decisionnan ekiboca den e caso penal contra di e ex-politico di Bonaire, Ramonsito Booi. Esaki ta opinion di e Ombudsman nacional Reinier van Zutphen.

E Ombudsman Nacional a confirma cu e keho di sr. Booi contra Ministerio Publico na Bonaire. E Ombuds-

man ta kere cu PPS mester a reconoce cu el a tarda demasiado pa trata e caso penal contra Booi.

E investigacion penal encuestacion ta referi na e investigacion di Zambesi. E investigacion di Zambesi a inicia na 2009 y a termina na 2015 cu un absolucion. E Ombudsman ta di opinion cu durante e periodo aki OM a comete erornan y a tuma e decisionnan ekiboca. E procede-

mento posterior tambe no a bay bon.

Ombudsman a recomenda OM pa pidi disculpa. E ombudsman tambe ta di opinion u PPS mester busca un gesto apropia y cuminsa un discusion al respecto. E fiscal general lo cuminsa un combersacion cu sr. Booi den corto plaso.



**Stichting Casa Cuna Progreso zoekt:
Per direct**

Gedragdeskundige/ (gz) Psycholoog/ Orthopedagoog

'De jeugd heeft de toekomst, die toekomst moeten we samen maken'

Stichting Casa Cuna Progreso bestaat uit twee afdelingen, namelijk een afdeling 24-uurs opvang en dagbehandeling voor kinderen van 0 tot en met 6 jaar die (tijdelijk) niet meer thuis kunnen wonen en/of begeleiding nodig hebben, vanwege een belaste gezinssituatie. De kinderen hebben veelal te maken gehad met traumatische ervaringen, zoals mishandeling, misbruik, verwaarlozing of huiselijk geweld. De tweede afdeling van Casa Cuna Progreso is een tienermoederhuis, die 24 uur per dag opvang, zorg en begeleiding biedt aan (zwangere) tienermoeders in de leeftijd van 13 t/m 23 jaar. Doel van dit tienermoederhuis is de jonge moeder zodanig te begeleiden dat zij uiteindelijk zelfstandig voor haar baby kan zorgen in een eigen woonomgeving.

Als gedragdeskundige ben jij verbonden aan beide afdelingen. Jij bent inhoudelijk eindverantwoordelijk voor de begeleiding en behandeling van de kinderen en de tienermoeders bij Casa Cuna. Jij bent voorzitter van de interne multidisciplinaire overleggen, waarin de begeleidingsplannen van de kinderen en de moeders opgesteld en geëvalueerd worden. Jij verricht psychodiagnostisch onderzoek bij de kinderen en tienermoeders en biedt hen tevens behandeling. Verder ondersteun, begeleid en coach je medewerkers bij de uitvoering van hun taken. Ook lever je een bijdrage aan het inhoudelijke beleid van de organisatie en aan de implementatie daarvan.

Casa Cuna zoekt een ervaren en flexibele gedragdeskundige. Je bent initiatiefrijk, slagvaardig, proactief en je hebt daarbij uitstekende communicatieve vaardigheden. Wij hebben aan jou een zelfstandige professional die tegelijkertijd goed kan samenwerken. Het is een pre als jij ervaring hebt met de doelgroep en kennis hebt van IMH, trauma en systeemgericht werken.

Wij vragen:

- Een afgeronde Master Orthopedagogiek of Psychologie met diagnostiek aantekening;
- Gz Psycholoog of Orthopedagoog Generalist is een pre;
- Minimaal twee (2) jaar relevante ervaring;
- Stressbestendigheid en improvisatievermogen vereist bij interventie in crisissituaties;
- Kennis van en inzicht in groepsdynamische processen;
- Computervaardigheid (Windows, tekstverwerking, spreadsheet);
- Mondelinge en schriftelijke taalvaardigheid in het Nederlands, Engels en Papiamentu;
- Planmatig, georganiseerd en sterke sociale en communicatieve vaardigheden om de professionaliseringslag die gemaakt gaat worden binnen Stichting Casa Cuna Progreso tot een hoger niveau te kunnen tillen;
- Proactief, een goede teamplayer, gedreven en resultaatgericht;
- Een rijbewijs B.

Casa Cuna is een instelling met hoge ambities. Wij hechten veel waarde aan het leveren van kwalitatief goede zorg en zijn blijvend in ontwikkeling. Afgelopen jaren is er veel geïnvesteerd in het professionaliseren van de organisatie en ook de komende jaren zal hier verder in geïnvesteerd worden. Casa Cuna biedt jou een uitdagende en afwisselende werkplek met fijne collega's.

Informatie en aanmelding:

Uw schriftelijke aanmelding, CV en een kopie van uw diploma's dient u vóór 27 maart 2020 te sturen naar de vice voorzitter van de Stichting Casa Cuna Progreso, dhr. Carlos Albertus, Pos Chiquito # 4, Aruba. P.O. Box # 733, Email adres: bpinterfaceaua@setarnet.aw en naar mw. Renate van Dongen, Email adres: directie@casacuna.aw.

Eventuele nadere inlichtingen kunt u inwinnen bij de directeur mevr. Renate van Dongen (telefoon 585 7177). E-mail adres: directie@casacuna.aw

Clasificado

ECONOMICO

Personal GRATIS max. 20 palabra

PASA LAGA BO AVISO NA OFICINA DI BON DIA
ARUBA WESTSTRAAT#22 FOR DI 9:00AM-4:00PM

Email nos na
classified@cspnv.com

TA BENDE

Articulonan di BABY
na prijs barata
Tel 568-2714
Tel 568-5042

TA HUUR

Camber + baño na
Piedra Plat (Seroe Pita)
Tel. 594 9694

SERVICIO PUBLICO

Señora ta ofrece servicio pa
cuida mucha of hende grandi-
Tel: 593 1777

SERVICIO PUBLICO

ta yuda busca cas
pa compra of huur
Tel. 563 1449

SERVICIO PUBLICO

ta haci tur tipo di trabou
di costurera
Tel. 593 2085

TA BENDE

Caha di Orgel.
Tin 3 cylinder NOBO.
Pa mas informacion yama
Tel. 593 0203

TA BENDE

un cas: 3 camber / 2 baño
na Primavera, Awg.395.000
Tel.592 9966

SERVICIO PUBLICO

Mi ta ofrece servicio di
electricidad en general,
problema cu corto circuito
y mantencion
Tel. 566 5026

SERVICIO

Unified One Events
Photos, films, wedding
Tel. 749 2533

SERVICIO PUBLICO

Master Nails
Pa e miho servicio y experiencia
den mantencion y atencion pa
bo huñanan. Yama pa un cita
Tel. 744 9214

TA HUUR

Studio/ apartment semimuebla
en Playa (max 2 persona): living
cu cocina y un camber cu baño.
Afl.700
Tel. 662 3892

FOR SALE

structura pa traha casdi trailer
mas grandi cu 40 pia. Fls.5 mil
Tel. 569 4343

TA BENDE

Tubo pa colga paña un set (2x)
pa Fls.200
Tel: 569 7787

SERVICIO PUBLICO

Buscando auto pa huur y na
bon prijs? yama nos
Tel. 593 9953/ 593 8453

SERVICIO PUBLICO

ta drecha tur sorto
di Imagen y verf
Tel. 584 2489

SERVICIO PUBLICO

Barata Barata
Nos ta chapi, lanta sushi, spuit
veneno, corta mata, na bon prijs
Arubiano balente
Call 592 5766

SERVICIO PUBLICO

Pa haci trabou di verf y chapi,
tur mantencion di pafor di cas
Yama y puntra pa Benito na
Tel.593 0040

SERVICIO PUBLICO

Ta haci tur trabou di
construccion y carpinteria y tur
cos cu ta furamento di stul
Tel : 746 0518

TA BENDE

Un Cas Moderno: 3 Camber
2 banjo na Boroncana.
Awg. 475.000.00.
Tel: 565 0831

SERVICIO PUBLICO

Psychic Riley let me help solve
your problems in love marriage
finance career and family with
immediate results
Call 001 747271 9899
wyattearp14@sbcglobal.net

TA HUUR

apartment na Madiki Kavel
Whatsapp
Tel. 746 2395

GRATIS

Nos ta piki tur sorto di auto bieu,
gratis. Tambe airco, bateria,
stoof, wasmachin, frigidaire etc
Tel. 561 4297 / 561 5179

SERVICIO PUBLICO

Para todo lo que se refiere a
tapiceria de muebles, autos,
botes. Reparamos bambú,
cabana. Todo lo relacionado
con carpinteria
Tel. 569 7539 / 746 0518

SERVICIO PUBLICO

Masaje relajante, sports ma-
sajes, aroma terapia, piedras
calientes, reflexologia, faciales
Sabana Basora # 157 P.Ch.
Tel. 561 8520

TA HUUR

1 studio camber muebla inclui
awa, gas, cable. Pa 1 persona,
hende serio so.
Na highway
Tel. 741 8637

TA HUUR

Pa famia maximum
4 persona.
Yama pa informacion
Tel.568 4209

TA BENDE

BBQ Grill tipo cilinder
"criyoyo" duradero
Prijs Afl.250
Tel. 569 7787

SERVICIO PUBLICO

Construction
remodelacion di cas, traha cas,
apartment, traha y drecha dak,
electricidad, verf pega mosaico,
traha cura, plomeria. Bon prijs
Tel. 593 3141

SERVICIO PUBLICO

Gran Feria di Fruta y Verdura
na Rococo Plaza diahuebs,
diabierna y diasabra 3 or te cu
8 or anochi . Tur siman

SERVICIO PUBLICO

Sra. ta dispuesto pa haci trabou
den cuido di mucha y anciano y
tambe limpieza di cas of oficina
Tel. 568 1152

SERVICIO PUBLICO

Mi ta ofrece servicio di electri-
cista en general corto circuito y
mantencion
Tel.566 5026

SERVICIO PUBLICO

Se ofrece servicio de reparacion
e instalacion de aires acondicio-
nados Split e industrial tambien
reparamos frigidaire, cuartos
frios y fabricantes de hielo
Tel. 600 0750

SERVICIO PUBLICO

Albañil, ceramica, porcelanato,
plomeria, pintura, cielo raso,
puertas de madera, puntos
electricos, soldadura, Bloques,
Frizos, pisos. Yama ya
Tel. 740 1242 / 740 4003

TA BUSCA

pa compra 1 tereno Eigendom
di ongerveer 400 m2 pa 500
m2 den vecindario di Madiki,
Socotoro, Meinveld, Ponton,
Companachi of otro bario
Tel.593 0769 / 593 3514

TA HUUR

Apartment full muebla. Incl.
awa, excl. coriente. Vecindario
Tele Aruba.
Pa mas info yama
Tel.593 8488 / 593 7755

SERVICIO PUBLICO

recojemos todo tipo de basura
(nevera, estufa, etc)
Tel. 564 1979

FOR SALE

Commercial property close to
the new Container Port in
Barcadera, build-up 424 m2,
land 2400 m2 for \$337,078.
For more details
Tel. 593 6318

FOR SALE

Gorgeous two story house in
Paradera, 3 bedrooms/
3 bathrooms with pool for
\$470,000
Tel.593 6318

SERVICIO PUBLICO

Pa tur trabou di tapiceria di
mueble, auto, yate y barco.
Nos ta haci trabou di cabana y
bambu y nos ta verf
Tel : 569 7539 / 737 3993

ABONA PA SOLAMENTE AFL. 38,- PA LUNA Y RICIBI TUR DIA BO CORANTNAN PREFERI

MAS CERCA DI BO!



Yena aki bao e siguiente informacion

Telefon

Number completo:

Adres di entrega:

Adres di cobranza:

Pago Adelanta:

☐ 3 Luna

☐ 6 Luna

☐ 1 año

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no:33266.8
- ☐ Paga Aruba Bank ABO ONLINE .
- ☐ Paga CMB ONLINE .
- ☐ Personal na oficina di Bon Dia Aruba.
- ☐ Pone den Box.
- ☐ Tira den Cura.

Yama na telefon: 582-7800 of manda un email na accounting@bondia.com
www.bondia.com

Robert Arends:

‘Negoshi di Cannabis den man di ciudadano local?’

ORANJESTAD - Si mundialmente industria internacional ke monopolisa plantacion, cuido y benta di marihuana medicinal bou di cantidad di exigencia y condicion, e pregunta pa Aruba ta: di con Aruba no por bin cu propio exigencia y condicion pa plantacion, cuido y benta di marihuana medicinal y no medicinal pero den man di ciudadano local?

Cada pais tin nan propio maneho pa loke ta trata cannabis/ marihuana. Ban ta honesto, Aruba no tin e conocimiento (finanza si?) necesario pa competi internacionalmente cu produccion y benta di cantidad grandi di cannabis medicinal riba e nivel cu mundo ta exige o permiti. Tur conocimiento mester bin di o wordo compra den exterior.

Aparentemente decision a cay cu Gobierno ta bin cu ley y reglamento pa permiti produccion y exportacion di cannabis medicinal.

Loke na Aruba si tin na conocemento ta con, den escala chikito, planta, cuida y vende marihuana den cantidad chikito. Pues e mercado local por lo menos Aruba mes lo por cubri pa controla uso y benta di marihuana cu awor aki ta den ilegalidad cu tur su consecuencia pa comunidad.

Loke falta ta un reglamentacion stric-

to cu ta cubri entre otro:

1. Permiso, contra pago, pa un ciudadano local;
2. Tereno/espacio figo di cierto grandura determina;
3. Maximo cantidad di mata permiti;
4. Benta liber na puntonan figo deter-

mina.

5. Etc. etc.
6. Etc. etc.

Mensahe di e articulo aki ta: si Gobierno por permiti negoshi internacional di cannabis medicinal na Aruba

ANTO Gobierno mester por reglamenta negoshi chikito di marihuana local pa por tin control riba uso y benta local cu awor ta den esfera ilegal cu tur su consecuencianan pa comunidad.



Carta habri di Aruban Warriors na Minister di Husticia

ORANJESTAD - Distinguido Excelencia, E efectonan negativo di ilegalidad na Aruba ta conoci. Entre otro ilegalidad ta trece un riesgo cune pa e Siguridad Nacional. Y ne momento ki e pueblo tin cu carga cu tur e gastonan di ekipo, helicopter, boto, auto pa polis, personal di polis y Warda Nos Costa, hospital, educacion, detencion y deportacion etc. Ilegalidad ta expande e chens riba traficacion/explotacion y ta trece competencia inhusto pa trahadonan/negoshinan legal. Ademas ne momentonan ki no por lubida cu e chens cu e Corona Virus COVID-19 lo dreña y plama na Aruba ta bira mas grandi na medida cu e cantidad di personanan ilegal na Aruba subi ya cu lo no tin bista riba personanan ilegal infecta y no lo por pone e personanan ilegal infecta den cuarentena (na tempo). Y tur esaki teniendo na cuenta e capacidad limita di nos hospital y centro medico.

Den siglo 17 tempo di e pandemia di e peste preto na Europa, gobernacion di Hulanda a logra di contene e pandemia door di cera tur e fronteranan di lama y tera di Hulanda. Den caso di e prome caso di coronavirus COVID-19 tambe nos ta pidi, pa proteccion di un y tur y specialmente esnan mas vulnerabel cu condicionan medico preexistente, pa cera tur frontera di Aruba te ora cu a logra di contene e virus exitosamente.

Banco Central di Aruba pa medio di su informe di 2002: “Aruba: Causes and effects of excessive immigration” skirbi pa Drs. Jorge R. Ridderstaat, a recomenda cu e hecho cu ilegalidad no ta paga na Aruba mester wordo enfatisa mas ainda pa desanima y descurasha e stranheronan di dreña den e circuito ilegal. Anos ta di opinion sinembargo cu e hecho aki nunca a wordo enfatisa mirando cu entretanto segun publicacionnan den prensa tin 15 mil persona ilegal na Aruba. Alabes tumando den consideracion cu probablemente ningun boet a wordo duna na esnan cu ta emplea personanan ilegal.

Ta necesario pa cuida y vigila e costanan di Aruba. Sinembargo e acto aki so lo ta manera carga awa pa lama si no castiga e organisacionnan/personanan local cu ta ofrece ayudo na ilegal a cambio di fabor of placa. Y esnan cu ta explota ilegal. Pues tin di cuminsa actua por directo contra tur e anti socialnan cu pa

beneficio propio ta causa daño na Aruba door di ofrece ayudo na ilegal of ta emplea personanan ilegal.

Nos ta urgi pa laga:

- * traha un e-mail adres oficial na unda pueblo por manda su melding anonimamente. Cu esaki por registra cantidad di melding y cifranan cu cual por adapta e maneho.
- * manda e e-mail adres oficial ki pa nos e-mail adres na arubanwarriors@gmail.com
- * duna tur esunnan cu ta contribui cu ilegalidad, yuda, huur apartamento/huur camber den cas di pueblo (subsida) na ilegal etc. un boet di e di 4 categoria conforme articulo 2:154 inciso b di e Codice Penal di Aruba. Corda cu por gara ilegal pafó di e cas.
- * duna tur esunnan cu ta emplea ilegal un boet di e di 3 categoria conforme articulo 2:155 inciso 1 di e Codice Penal di Aruba.
- * duna tur pesnan cu ta haci un ofishi of custumber di emplea ilegal un boet di e di 4 categoria conforme articulo 2:155 inciso 2 di e Codice Penal di Aruba
- * saca un lista den corant regularmente (p.e. 1x pa siman) di e nombernan di e negoshinan unda a gara ilegal y e sumanan di e boetnan duna na cada negoshi.
- * tene esun cu a firma pa para garantia pa tur gasto di Pais Aruba responsabel pa tur e gastonan pa Pais Aruba incluyendo deportacion en caso e temporada di estadia di e turista a caduca.

Nos lo concede su excelencia Minister di Husticia sr. mr. A. Bikker un periodo rasonabel di maximo tres siman pa e-mail nos un contesta na arubanwarriors@gmail.com. Si tres siman despues di publicacion di e carta aki den medionan di comunicacion, nos no a ricibi un contesta di su excelencia, nos lo asumi cu no ta duna importancia na nos peticion. Y si pa un of otro motibo no por of no kier otorga nos peticion nos lo studia cua lo ta e siguiente pasonan cu nos lo tuma mirando e urgencia di nos preocupacion pa cu nos tera Aruba y p’e Arubianonan.

Hoben herida a pidi scol ayudo debi cu auto a dal'e

ORANJESTAD - Dialuna atardi un hoben a presenta na scol Maria College pidiendo ayudo na docente, esaki ta debi cu auto a dal e un rato prome.

E hoben tabata tin su brasa baha, pero no tabata desea asistencia di ambulance. Polis a acudi na e scol pa saca mas informacion y notifica depar-

tamento di trafico pa haci nan investigacion den e caso aki. Familiar a presenta na e sitio pa mira e mucha su condicion y el a keda hiba hospital despues pa un control.



Basta beton basha ariba caminda

ORANJESTAD - Recientemente B.C.I. a bin topa cu basta beton basha riba e caminda pazuid di rotonde na Pos Chikito.

Mesora a pone e instancia di Mota Engil na altura di esaki cu di biaha a laga hacie limpi.



Relojes
Pulseras
Cadenas
Dijes

Nos ta graba
tur sorto di
articulo
di metal
yama of
bishita nos

Tanki
Leendert 178-A
Tel: 587 3940
Fax: 587 2478
Cell 592 9055
email: adalbertovilla@live.com

"COMPRA Y VENTA"

Bachue
Joyeros

Compramos
Vendemos
Arreglamos todo tipo de Joyas
Contamos con un Buen Surtido de
Pulseras y Baterias para Relojes

Habri di Dialuna pa Diasabra
9:00am pa 1:00pm y di 2:00pm - 6:00pm

BACHUE

**JOYERIA
COMPRA Y VENTA**



Abo!

No tin tempo
pa Laba y Seca bo
Pañanan!

Pasa y Laganan na:

AQUA
LAUNDRY

Habri di Dialuna pa Diasabra
7:30am non stop 7:30pm
Diadomingo de 9:00am - 1:00pm

Tel: 587 0772

**AQUA
LAUNDRY**

Auto a bolter na Hospitalstraat

ORANJESTAD – Diamars merdia na Hospitalstraat ta sosode un accidente, na unda cu un Suzuki Vitara a dal contra palo di luz bolter. Tanto ambulance como polis a keda dirigi cu urgencia na e sitio, esaki a sosode despues cu personanan cu a topa e accidente y e auto memey caminda a

bati alarma.

Polis a cuminsa yuda, y aki paramedico a brinda asistencia e prome mucha muhe y e di dos tabata pega den e auto, pero tabatin mester mas man pa yuda y cu ayudo di brandweer a logra di saca e victima. E dos damanan a keda transporta pa hospital.



Adicto ambulante a morde homber na garganta

ORANJESTAD - Algun dia pasa riba LG Smith Blvd a sosode un caso na unda cu un adicto ambulante a kibra un glas di cas y e doño di e cas a topa cune y aki situacion a escala caminda cu polis mester a presenta.

Dialuna anochi e adicto ambulante a presenta dilanti na e cas y a cuminsa bringa cu e doño di cas y a morde na su garganta. E doño di cas a sali na defensa di su mes y a pasa man pa un chapi y cuminsa bringa cu e adicto ambulante cu tabata riba su tereno y atacando e. Polisnan a yega di biaha a topa cu e homber herida cu corta serio na garganta y e adicto a keda deteni.



**Stichting Casa Cuna Progreso zoekt:
Per direct**

Financieel manager

'De jeugd heeft de toekomst, die toekomst moeten we samen maken'

Stichting Casa Cuna Progreso zoekt per direct een Financieel Manager (24 – 32 uur per week)

Stichting Casa Cuna Progreso (Casa Cuna) heeft de verantwoordelijkheid voor tijdelijke 24-uurs opvang van kinderen van 0 tot en met 6 jaar (in bijzondere gevallen tot 8 jaar), die thuis veelal te maken hebben gehad met traumatische ervaringen, zoals mishandeling, misbruik, verwaarlozing of huiselijk geweld. Ook de ouders van de kinderen worden door Casa Cuna begeleid. Aan tiernmoeders biedt Casa Cuna opvang, zorg en begeleiding in het in 2019 geopende Cas Diet Booi.

Het aantrekken van een financieel manager is voor Casa Cuna een belangrijke stap in het professionaliseringstraject dat samen met FIER Friesland is aangegaan. Actuele projecten waarvoor de directeur jouw ondersteuning nodig heeft zijn bijvoorbeeld de subsidieomslag, het Sociaal Crisis Plan en uitbreiding van het tiernmoederproject.

Je krijgt een brede functie in een enthousiaste en ambitieuze organisatie. Je takenpakket is zeer divers en bestaat naast de uitvoerende taken van het zorgdragen voor het volledige dagelijks financieel proces, uit het opstellen van managementrapportages, het bewaken van subsidievoorschriften en het liquiditeitsbeheer. Daarnaast ondersteun je de directeur bij het verder digitaliseren van de financiële processen, opstellen van begrotingen, het samenstellen van de jaarrekeningen en bij het bepalen van het strategisch (financieel) beleid van Casa Cuna.

Jouw profiel:

- Je hebt HBO/WO werk- en denkniveau en opleiding in de richting van Bedrijfseconomie of Accountancy
- Je hebt minimaal 3-5 jaar werkervaring in accountancy, controlling, financieel managen
- Je hebt ruime ervaring en affiniteit met Quickbooks, Excel en rapportagetools en vindt het interessant je hier nog verder in te verdiepen

Graag je schriftelijke aanmelding, CV, en kopie van de diploma's uiterlijk 27 maart 2020 sturen naar:

Stichting Casa Cuna Progreso

T.a.v. Renate van Dongen (directeur)

Pos Chiquito # 4, Aruba.

P.O. Box # 733,

Email: directie@casacuna.aw.

Telefoon **585 7177**

Wij kijken ernaar uit om kennis met je te maken!

Italia completamente cera y oficialnan infecta



ROME (AP) – Italia ta drenta den su prome dia di blokeo nacional despues cu un decreto di gobierno a extende restriccion di movimiento for di region

nort – esun mas afecta – na henter e pais.

Mientras e cantidad di persona infecta ta aumenta na Italia, tabatin mas señal cu nor-

malidad ta bolbe na China, unda presidente Xi Jinping a haci su prome trip na epicentro di e virus na Wuhan. E contraste a ilustra e expansion di e virus, di oriente pa occidente.

Panico a explota, impulsando e gobierno pa sigura ciudadanonan cu supermercado lo keda habri y bon surti. Oficina di presidente Giuseppe Conte a bisa cu tene supermercado habri ta contra e intencion di e decreto nobo, cu tin como meta preveni congregacion di Italiano.

Soldad y polis a enforsa e prohibicion di biahe, y team di Carabinieri a patruya cafe pa sigura cu doñonan ta tene

clientenan un meter aparta di otro. Mientras tanto, paisnan bisiaña a cera nan frontera cu Italia.

Un cantidad aumentando di lidernan militar y politico ta birando malo cu e malesa. Comandante top di ehercito Polaco, Gen. Jaroslaw Mika a ser diagnostica despues di bolbe di Alemania. Otro oficialnan ta den aislamiento despues di exposicion potencial, incluyendo chief of staff nobo di presidente Donald Trump, minister di Interior Aleman, y minister di Defensa Noruego. Nicola Zingaretti, gobernador di region Lazio kende tambe ta cabesante di partido Demócrata, ta recuperando.

Dokternan Italiano sinembargo a celebra un victoria chikito den nan bataya contra coronavirus despues cu un homber di 38 aña di edad a sali di cuidu intensivo pa prome biaha desde cu el a test positivo dia 21 di februari. E ta considera e prome Italiano pa contrae e virus – Pashent No. 1.

Pa mayoria di hende, novel coronavirus ta presenta sintoma modera, manera keintura y tosamento y mayoria ta recupera. Pa algun, specialmente di edad avansa y hende cu problema di salud, e ta causa un malesa mas severo, incluyendo pneumonia.

Stock poco poco elevando na Wall Street

NEW YORK (AP) – Stock Mericano, petroleo y otro mercado financiero rond mundo a logra recupera un tiki despues di nan cada historico un dia prome, entre speransa cu Merca y otro gobiernonan rond mundo lo duna mas ayudo pa un economia debilita pa virus.

Inversionistanan tabata contento cu e recuperacion ayera, pero no tabata pretende cu esaki ta fin na e cambionan enorme den e mercado, cu a trece e S&P 500 dialuna na su pio dia desde crisis financiero na 2008. Stock tabatin saltonan mas grandi cu esaki den ultimo simannan, unicamente pa e fondo cay atrobe.

Sinembargo, speransa tabata crece cu e esfuersonan grandi di sosten di autoridadnan global cu mercadonan tabata sperando lo por ta na caminda, sikiera pida pida. Presidente Mericano, Donald Trump a bisa cu su administracion lo pidi Congreso pa un excension di impuesto riba payroll y otro medidanan rapido pa yuda protege contra malesa di COVID-19, cu a pusha aerolineanan pa cancela vuelo y a pone Italia cera henter e pais.

Na Hapon, un task force cu prome minister a set up a aproba un paquete di \$4.1 bilyon pa negoshinan mediano y chikito.

Alec Young, managing direc-

tor di investigacion di mercado global na FTSE Russell, a bisa cu ‘mercadonan no ta intercambia riba bon of malo, nan ta intercambia entre miho of pio’. “Mi lo spera autoridadnan haci lo posibel pa reduci incertidumbre”, el a bisa. “Esaki lo por ta e oportunidad pa hacie.”

Crudo Brent, e standard internacional, a aumenta \$2.89 of 8.4%, na \$37.25 mientras crudo Mericano di referencia a aumenta \$1.89 na \$32.98. Prijs di azeta a cay 25% dialuna entre un guera di prijs entre e productornan, cu ta sacando mas petroleo di tera maske e demanda ta cayendo pa motibo di virus.

Mayoria di hende ta recupera



di novel coronavirus. Segun Organizacion Mundial di Salud, persona cu malesa modera ta recupera den alrededor di dos siman, mientras esunnan cu un malesa mas severo mester di tres pa seis

siman pa recupera. Na China continental, unda e virus a explota inicialmente, a diagnostica mas di 80mil persona y mas di 58mil te awo a recupera.

Cyprus ta revela medida nobo pa combati fluho di migrante

NICOSIA, Cyprus (AP) — Cyprus ta mas cu duplicando e cantidad di oficialnan evaluando aplicacion di asilo, reduciendo deadline pa aplicacion, y agilizando deportacion como parti di un serie di medida enfoca riba aborda un aumento di yegada di migrante, segun minis-

ter di Interior di e pais a bisa ayera.

Revelando e ‘plan di accion’ di gobierno pa combati e fluho di migrante, minister di Interior, Nicos Nouris a bisa cu solicitante di asilo di paisnan considera ‘sigur’ lo mira nan aplicacion procesa dentro di 10 dia y lo tin apenas tres

dia pa apela un orden di deportacion inmediato.

Gobierno di un Cyprus etnicamente dividi ta bisa cu tin e cantidad mas grandi di solicitante di asilo relativo na su poblacion entre tur otro estado miembro di Union Europeo – como 3.8% di su poblacion.

E gobierno ta acusa Turkia di manda migrante for di e nort Cypriota Turco na e sur internacionalmente reconoci, pa intencionalmente altera e caracter demografico di e pais.

Na 1974 Cyprus a keda dividi na momento cu Turkia a invadi, despues di un golpi

di sostenedonan di un union cu Grecia. E nacion isla a join UE na 2004, pero unicamente e sur ta disfruta di beneficiacion completo. Unicamente Turkia ta reconoce un declaracion di independencia di Cyprus Turco.

Nouris a bisa cu lo enforsa castigo mas fuerte y criteriuronan mas estricto pa admision di universidad, pa combati e cantidad enorme di matrimonio falso.

Ademas lo construi un centro di recepcion mas grandi cu capacidad di tene 600 persona, pa acomoda esunnan cu yega mientras ta procesa na solicitud di asilo, reduciendo e necesidad pa cas y bijstand,

segun Nouris.

Gobierno lo pidi fondonan di UE pa financia construccion di facilidadnan nobo, cubri costo di operacion y cumpra ekipo pa yuda cu aumento di monitor di polis y personal militar riba un ‘buffer zone’ di casi 200km controla pa UN.

Te cu dos tercer parti di yegada di migrante na e sur ta crusa for di e nort.

Nouris a bisa cu lo intensifica contacto cu agencia di frontera di Europa, FRONTEX, pa reforsa cooperacion riba deportacion y contencion di yegada di migrante.





\$1 MILLION CASH GIVEAWAY 2020

1 COMPLIMENTARY TICKET

WITH YOUR DINNER PURCHASE AT CASA NONNA NEW YORK OR BLT STEAK OR
RECEIVE ONE (1) RAFFLE TICKET FOR EVERY 80 POINTS ON SLOT MACHINES/\$40 THEORETICAL WIN ON TABLE GAMES.



Casa
NONNA
NEW YORK, NY

THE CASINO
AT THE RITZ-CARLTON, ARUBA



AZV a tene evento Pal'i Muhe

ORANJESTAD – Diabierna 6 di maart ultimo tabata un anochi masha special ora cu AZV hunto cu Penha Aruba a celebra e Dia Internacional di Hen-de Muhe cu e evento 'Pal'i Muhe'.

Aki ta unda hopi hende specialmente e hende muhenan a acudi na Penha Aruba pa participa na e seminarionan interactivo di e specialistanan medico. Igualmente e publico por a disfruta di varios snacks saludabel y haya informacion na diferente 'booth'.

Programa interesante

E anochi a ranca sali cu presentacion di ginecologa, dokter Babet Latour, cu a elabora ampliamente riba cancer di matriz y e uzo di

anticonceptivo. Dokter Babet Latour a cautiva e publico presente cu e importancia di cuida nos adolescentenan pa un cierto tipo di Human Papiloma Virus. Siguientemente tabata dokter Karina Kelly na palabra, cu a muestra e participantenan riba e importancia di nutricion y movecion den nan bida diario pa asina evita e malesa di diabetes. Aruba Vision Center representa door di dokter Nicolas Ordoñez a presenta e importancia di uzo di bril di solo pa proteha e wowonan y e malesa di wowo 'glaucoma'. Tabata dokter Hendricus van Gaalen cu a finalisa e anochi. Cu e titulo di su presentacion "who's mad?" dokter van Gaalen no a solamente logra capta tur atencion pero sigur laga tur hende hari ora mes-

ter a reconoce cu tin diferencia grandi entre con e hende muhe ta pensa compara cu e hende homber.

Otro actividadnan

Durante henter e anochi, e publico presente por a shop den Penha Aruba y bishita varios organisacion manera Aruba Vision Center (unda por a midi presion di wowo), Compra Aruba NV (cu presentacion di nan producto Crest), Hodgson Trading NV (unda por a purba un salada saludabel traha cu nan zeta di oleifi y vinager balsamico), studiantenan di EPI (cu a midi sucu y presion) y AZV cu servicio pa yuda e cliente download e AZV app. Adicionalmente, e publico a haya tip pa bailamento tanto sinta riba stoel como para ta baila.



UvA: Trabou Social y boluntarismo

ORANJESTAD – **Universidad di Aruba den su programa di ‘Social Work & Development’ ta enfoca den e prome aña di e programa (estudio) riba trabou boluntario. E studiantenan mester haci 24 ora di trabou boluntario tanto den e prome semster como den e di dos semster na un instancia/organizacion social.**


Trabou boluntario ta un di e maneranan mas efectivo pa haya experiencia signicativo y practico den e veld di Trabou Social. E ta duna studiantenan di Trabou Social y Desaroyo un chens pa prepara nan mes pa e trabou real den practica. Tambe trabou boluntario ta bon pa Trahadonan Social cu experiencia pa haya un chens pa amplia y reenforza nan experiencia.

Ademas di e bon experiencia cu e studiantenan ta haya pa medio di boluntarismo, nan ta haya e oportunidad pa pone e teorlanan di ciencia social den practica. Tambe nan ta wak con e practica ta diferente cu teoria. Teorlanan cu ta wordo duna ta derecho humano, balornan, etica, comunicacion interpersonal, y introduccion den Trabou Social. E combinacion di e teorlanan y trabou boluntario ta complementa otro y asina duna e estudio un balance y calidad duradero. Adicionalmente e studiantenan ta wordo prepara durante ‘skills labs’ unda nan ta wordo for-

ma den habilidadnan di trabou den team, comunicacion, sensibilidad y comprension di dinamismo di grupo. Esaki ta un preparacion profesional pa cu e studiantenan pa asina bira Trahadonan Social den futuro.

Universidad di Aruba, specialmente ta reenforza tambe e colaboracion entre universidad y agencianan social pa asina crea oportunidad pa Trahadonan Social colabora cu otro y tambe siña for di otro. Pa medio di colaboracion, ta crea un dinamismo cu ta beneficia tur partido (estudiante, Trahado Social, agencia social y universidad) pa ta actualisa y al tanto di desaroyonan den nos comunidad.

E estudiante di e programa di ‘Social Work & Development’ ta un ‘ganashi’ pa e area social y principalmente den e trabou boluntario. Pasobra e estudiante ta observa, analisa y guia tanto e organizacion, boluntario y actividadnan social den un direccion cu ta mehora e desaroyo y crecimiento di tanto e individuo, organizacion y nos isla den un manera profesional. Universidad di Aruba ta manda un felicitacion na tur Trahado Social den e luna dedica na nan profesion. Y un danki grandi na cada organizacion social cu ta habri portanan di oportunidad na nos studiantenan durante nan carera den e programa di ‘Social Work & Development’.



Heart-Centered Leadership Foundation a lansa hala hubenil HC Youth Leaders



ORANJESTAD - Na final di aña 2019, Heart-Centered Leadership Foundation a lansa su hala hubenil HC Youth Leaders. HC Youth Leaders a wordo oficialmente lansa cu instalacion di su prome directiva hubenil y miembronan hoben.

Heart-Centered Leadership Foundation a lansa e club hubenil cu e intencion di por tin un fuente di informacion pa tur locual ta encera hobennan den nos comunidad pa asina por ahusta programanan cu e fundacion ta ofrece na hobennan. Cu e hala hubenil, Heart-Centered Leadership Foundation ta traha riba su meta di inspira y empodera hobennan pa ta lidernan di curason cu ta inspira, sirbi y apoya otro hobennan pa ta 'change-makers' na Aruba. HC Youth Leaders su actividadnan ta enfoca riba e principio di ta 'di hoben y pa hoben'. E actividadnan ta consisti di: HC Bon, unda e meta ta pa haci trabao boluntario. HC Consciente ta actividadnan pa conscientisa hobennan y resto di Aruba riba un topico, mientras HC Hunto ta momentonan pa hobennan bin hunto y traha riba un proyecto pa impacta comunidad.

E prome directiva di HC Youth Leaders ta consisti di 5 miembro; presidente di directiva Haddasah Lamarre, secretaria Xaui Thijsen, tesorero Nathan Tromp y miembronan di directiva Keilah Geerman y Uchenna Eugene. Ta di remarka cu e hobennan aki

tur ta boluntario pa hopi aña cu Heart-Centered Leadership Foundation, unda nan a participa den seminarionan ofreci door di e fundacion y despues a sigui como boluntario asistiendo den diferente training, seminario y proyectonan pa hoben. HC Youth Leaders ta conta actualmente cu 10 miembro, di edad 15 pa 20 aña.

Desde cu e club hubenil a lansa oficialmente, HC Youth Leaders a cuminsa cu reunionnan general, unda nan a delibera y traha riba nan kalender pa 2020 cu ta encera nan plan pa actividadnan cu nan lo kier ehecuta pa e aña aki, cual ta inclui proyectonan cu e hobennan a haya cu mester pone mas atencion riba dje pa comunidad. Como parti di e meta di e club, e miembronan hoben a ricibi tambe un workshop tocante kico ta un 'heart-centered leader' unda a haya sa tocante e varios estilo di liderazgo y e importancia di ta un 'heart-centered leader'. E weekend cu a pasa, den conmemoracion di Dia Internacional di Hende Muhe, e hobennan a realiza nan prome actividad cu ta cay bao di HC Consciente, unda nan a parti carchi cu mensahehan positivo pa empodera y inspira hende muhe riba nan dia. Pa mas informacion tocante nos hala hubenil HC Youth Leaders y nan proximo actividadnan, por haya nos riba Facebook como Heart-Centered Youth Leaders y tambe riba Instagram como hcyouthleaders.aruba.



Steelers-Cowboys lo hunga Hall of Fame Game pa honra nan coach



CANTON, Ohio (AP) — Pittsburgh Steelers y Dallas Cowboys lo hunga honor di nan ex coach, Bill Cowher y Jimmy Johnson, e Hall of Fame Game na

kende lo ser induci e berano aki.

E partido ta duna apertura na schedule di pre-temporada dia 6 di augustus, cu Cowher y Johnson drentando e hall dos dia despues.

“E tabata di ta un weekend emocionante na Canton na e Hall Of Fame”, Johnson a bisa. “Cu e Cowboys enfrentando Steelers, e emocion a djs bira hopi mas.”

Lo ta e di shete presentacion pa cada club den e wega anual di pre-temporada – empata pa e mayor cantidad di cualkier team. Cada un a bay 3-3 den e wega.

Ademas nan a enfrenta tres biaha den Super Bowl, maske nunca cu Johnson enfrentando Cowher. Pittsburgh a gana dos di e encuentronan ey bou Chuck Noll contra

Tom Landry – ambos coach di Hall Of Fame. Den Super Bowl 1996, Cowboys di Barry Switzer a derota Steelers di Cowher.

E hungadonan drentando e hall na augustus ta: safety Troy Polamalu di Steelers, safety Steve Atwater di Broncos, receiver Isaac Bruce di Rams, offensive lineman Steve Hutchinson di Seahawks y Vikings, y running back Edgerrin James di Colts.

Ademas, tres contribuyente, eligi como parti di e clase centenario celebrando e di 100 temporada di NFL, lo ser induci: ex comisionado Paul Tagliabue; e fayecido Steve Sabol di NFL Films; y e fayecido George Young, kende a construi e team campeon di New York Giants di añanan 1980 y 1990.

Noruego coriendo su segundo Iditarod ta tuma posicion lider

ANCHORAGE, Alaska (AP) — Un musher di 46 año di edad naci na Inglaterra y cu a lanta na Noruega ta liderando e Iditarod Trail Sled Dog Race ayera.

Thomas Waerner, di Torpa, Noruega, a yega na e checkpoint na Rohn laat dialuna anochi. E y su 14 cacho a keda na e checkpoint pa apenas nueve minuut, prome cu sali pa e careda di 129.70km na e proximo checkpoint na

Nikolai.

Esaki ta e segundo Iditarod pa Waerner; el a termina na di 17 luga na 2015 y a ser nombra Rookie di Año.

Tin 28 otro musher kende tambe a laga e checkpoint na Rohn. Otro Noruego, campeon di 2018 Joar Leifseth Ulsom, tabata na segundo luga. E resto di e top cinco tabata di Alaska: Jessie Royer, Richie Diehl y Ramey Smyth.

Mitch Seavey, tripel campeon di Iditarod, tabata na di shete luga, y campeon defensor Pete Kaiser na di 10 luga.

E careda a cuminsa diadomingo pa 57 musher na Willow, Alaska, como 50 miya nort di Anchorage. E campeon di e careda di casi mil miya a traves di Alaska ta spera na e linea final na Nome proximo siman.



Leipzig ta derota Tottenham alcansando cuart final di Champions League

LEIPZIG, Alemania (AP) — Marcel Sabitzer a anota dos biaha mientras Leipzig a derota Tottenham 3-0 ayera, mandando e coach y club mas jong

den Champions League na e cuart final.

Golnan di Sabitzer den prome mita a yuda duna Leipzig un victoria 4-0 den agrega y a profundisa e scuridat riba e Tottenham di Jose Mourinho, cu no a gana un wega den casi un luna.

Tottenham a bin bek di 3-0 deficit agrega contra Ajax pa alcansa final año pasa, pero un comeback nunca tabata parce posibel na Leipzig.

Na luga di e hat trick di Lucas Moura cu a bolter e wega cu Ajax, Tottenham a produci un prestacion flat den segundo mita contra Leipzig y eventualmente a concede un biaha mas.

Tottenham ta sin un victoria

den su ultimo seis wega den tur competencia. Lo unico cu ta keda pa team di Mourinho e temporada aki ta Premier League, unda ta di ocho luga y shete punto patras di e puestonan di Champions League.

Apenas 11 año despues di a ser funda pa gigante di bebida Red Bull, Leipzig ta den e ultimo ocho di Champions League. Cu 32 año, Julian Nagelsmann ta e coach di mas jong pa alcansa e etapa aki.

Cu Harry Kane, Song Heung-min y mas recientemente Steven Bergwijn tur lesiona, Tottenham tabata falta energia y idea. Leipzig a dura menos di 10 minuut pa duplica su bentaha di prome leg.

Internacional Mericano di Leipzig, Tyler Adams a haci su debut den Champions League como un substituto den minuut 56, na momento cu defensa Nordi Mukiele a sali di e cancha pa tratamento despues di haya un bala den su cara.

A hunga e wega den un stadion yen, a pesar di preocupacion aumentando na Alemania tocante e brote global di coronavirus.

E otro partido di Champions League ayera, Atalanta a gana contra Valencia 4-3 pa avansa 8-4 den agrega, den un stadion bashi. Mayoria di wega di Liga Aleman e weekend aki lo tuma luga den condicionnan similar.



LOTTO 5

Cuminsando cu 4 florin, bo por gana e suma grandi aki

Afl. 480.000,-

Obtenibel na cualkier rebendado di Lotto.

Sorteo ta awe nochi

Lotto






No a haya medicina ilegal den morto di cabay na Santa Anita

LOS ANGELES (AP) — Un reporte revela ayera pa California Horse Racing Board riba un cantidad di morto di cabay na Santa Anita a haya cu no a usa medicina ilegal cu e animalnan, y 39% di e 23 fatalidad a tuma luga riba superficie afecta pa clima humedo.

Sinembargo, e reporte no a haya un causa singular pa e mortonan.

E reporte, spera pa largo, a enfoca riba 23 morto como resultado di careda of training entre dia 30 di december 2018 y 31 di maart 2019. Shete otro morto a sucede entre 1 di april y 23 di juni 2013, pero no a inclui esakinan den e reporte. Shete otro morto a tuma luga durante e encuentro di herfst aña pasa, incluyendo Mongolian Groom den e Breeders' Cup Classic riba television nacional. E fatalidadnan a sacudi e industria, y a conduci e doño di e pista, Stronach Group pa institui varios reforma involucrando siguridad y medicamento.

E aña aki tabatin nueve fatalidad riba e pista na Arcadia,

unda un reduccion den poblacion di cabay a conduci na menos careda.

Stronach Group a bisa cu a mira un reduccion di 64% den lesion catastrofico na Santa Anita e aña aki, y ningun fatalidad durante careda riba e pista principal pa henter e temporada. Sinembargo a aclara cu ningun fatalidad ta nan meta.

E reporte a haya cu lesion musculoskeletal catastrofico (CMI) di 19 di 22 cabay a inclui fractura di weso proximal sesamoid, cu ta relaciona na intensidad di careda y training. Bintiun di e 22 caso a mostra 'evidencia di patologia pre-existente' cu ta presumi ta asocia cu intensidad halto di ehercicio, cu ta predisponen cabaynan cu CMI na lesion catastrofico.

"Indicacion ta cu ta train y core e cabaynan demasiado", segun Dr. Rick Arthur, dokter medico equino di e hunta.

Otro hallazgo clave den e reporte tabata cu varios trainer a bisa cu nan a sinti presion pa core nan cabay, maske 'ningun a culpa e pista mes pa ningun fatalidad' y no ta-



batin evidencia di violacion di bienestar animal. Mayoria di trainer no ta revisa reporte di necropsia di nan cabay, y mayoria 'no tin bon conocimiento di anatomia'.

Arthur a bisa cu anatomia lo ta parti di e 12 ora di educacion cu e trainernan ta rekeri pa renoba nan licencia. Rick Baedeker, director ejecutivo di CHRB, a bisa cu ya a adapta algun regla pa licencia

di trainer.

Entre otro, e reporte di 76 pagina ta recomenda pa establece criterio estricto pa cancela careda basa riba clima; rekeri educacion continuo pa trainernan; busca sosten di industria pa investigacion di e lesionnan cu a causa mayoria di e fatalidadnan.

Ademas e reporte a sugeri pa Santa Anita sigui reemplasa

su pista di tera cu superficie sintetico. E reporte a lista 47 recomendacion, 12 di cual ya ta den proceso di regulacion. Mayoria ta involucra establece protocol pa training, careda y cancelacion di careda, move na record digital y transparencia den record medico. Tambe ta rekeri pa evalua con uso di e 'whip' ta relaciona cu fatalidad.

UEFA pidiendo gobiernonan sigura cu Euro 2020 tuma luga

LONDON (AP) — UEFA ta pidiendo gobiernonan den e continente pa sigura cu Campeonato Europeo lo tuma luga den tres luna, a pesar di brote di coronavirus.

Basa riba conseho ricibi di Organizacion Mundial di Salud (WHO), UEFA ta kere cu un ciudad por ta anfitrión pa weganen di Euro 2020 si



tin e infraestructura medico pa trata pashent di COVID-19 mientras ta provee e facilidadnan necesario pa ricibi decenas di miles di fanatico, segun un persona familiar cu e plan a bisa AP ayera. E persona a papia anonimo pa discuti combersacion di plan priva.

UEFA ta usando 12 stadion den 12 pais pa su torneo pan-Europeo unico, cu ta provee flexibilidad pa duna un ciudad weganan adicional si otro no por hacie pa motibo di coronavirus. UEFA lo elimina weganan di un ciudad si ta necesario pa sigura cu e torneo di 24 team tuma luga, segun e persona.

Ya a elimina Brussels como anfitrión pasobra su stadion no tabata completa, y weganan adicional a tuma luga na Wembley, cu tin e semifinal y final na nort London.

UEFA a bisa cu reporte cu federacionnan di futbol Europeo a solicita pa e torneo di 24 team move pa proximo aña ta 'completamente falso'.

"UEFA no a ricibi ningun peticion pa move of cancela e torneo", e cuerpo gobernante a bisa AP.

Oficialnan di UEFA ta trahando cu WHO pa forma un plan pa mitiga e riesgonan di malesa COVID-19 a traves di e 12 pais programa pa tene e weganan.

WHO a bisa UEFA cu no ta spera cu e virus lo ta conteni na momento di apertura di Euro 2020 dia 12 di juni na Roma, segun e personanan cu conocimiento di e plan a bisa. Actualmente ningun evento deportivo ta tumando luga na Italia, despues cu gobierno efectivamente a cera e pais e siman aki.

UEFA kier pa tene Euro 2020 sin fanatico. Pero algun wega di competencia di club Europeo ta tumando luga e siman aki den stadion bashi, incluyendo Paris Saint-Germain su encuentro den ultimo 16 di Champions League contra Borussia Dortmund, riba orden di autoridadnan

Frances.

Ya a tuma decision pa e luna aki. Partido di playoff Euro 2020 di Irlanda contra Slovakia dia 26 di maart lo tuma luga sin fanatico riba instruccion di gobierno Slovaco. Tampoco lo permiti sostenedonan den stadion na Nuremberg pa e amistoso entre Alemania y Italia dia 31 di maart.

Manera IOC cu Olimpiada di Tokyo, UEFA ta purbando di sigura pa su evento no wordo descargila pa e virus. Ciudadanonan di Azerbaijan, Dinamarca, Alemania, Hungría, Irlanda, Hulanda, Rumania, Rusia, Escocia y Spaña tambe lo tene weganan.



Aruba Basketball Bond lo haya cancha di 3X3 di FIBA

ORANJESTAD - Recientemente FIBA a anuncia cu pa aña 2020 FIBA lo recompensa 10 federacion di e 213 federacion nacional cu a demostra un progreso internamente pa asina sigui yuda cu e desaroyo di e deporte na e paisnan aki.

Den e 10 nan aki Aruba a wordo scogi. Esaki ta un tremendo noticia pa e fed-

eracion nacional di basketball na Aruba. Esaki lo yuda cu e disciplina di 3X3 unda cu den e ultimo weganan olimpico hubenil tawata tin isla nan cu a competi cu tin menos di 200 mil habitante unda cu ta nifica cu un bon plan strategico di e federacion Aruba tambe lo por yega akinan.

Aruba Basketball Bond ta sigui wordo elogia internacionalmente dor di FIBA.

Den 2020 tecnico nan di FIBA Americas lo bin Aruba pa asina finalisa e proceso di e cancha.

President di Aruba Basketball Bond mr. Kenneth Vrolijk lo biaha mei pa Miami na headquarter di FIBA Americas pa asina haya e guia pa desaroya un liga di 3X3 na Aruba cu un mira pa un futuro pa den e disciplina aki.

Kyra y Meghan cu bon presentacion na Francia

ORANJESTAD - E landadonan artistico Kyra Hoevertsz y Meghan Tromp a duna nan prome presentacion hunto riba plataforma internacional den un competencia grandi cual ta e World Series Artistic Swimming, e prome na e ciudad di Paris, Francia.

Mester bisa cu apesar di un bon presentacion, e duo a spera mas di nan puntuacion. Den e duet Tecnico nan a logra e score di 70. mientras den e Free duet Kyra y Meghan ta logra un puntuacion di 71. Tambe Kyra y Meghan a competi den Solo, prome Free Solo, unda Meghan ta logra un puntuacion di 71. mientras cu Kyra den su prestacion den e Free Solo ta logra un puntuacion di 74. Y den Tech solo Kyra ta logra 73.

Por ultimo Kyra y Meghan a duna un show riba ritmo di Carnaval, tur pais presente a wordo pidi pa haci algo di nan cultura cual Aruba a scoge pa e tema carnaval. Mas cu claro tur hende a gusta e musica di Aruba. Ambos atleta a haya hopi bon comentario di nan presentacion. Awor aki nan lo sigui entrena mirando cu nan proximo competencia ta National Qualifiers fin di Maart. Na e competencia aki, nan mester clasifica pa Nationals cu ta den Mei.

Por ultimo Kyra y Meghan a duna un show riba ritmo di Carnaval, tur pais presente a wordo pidi pa haci algo di nan cultura cual Aruba a scoge pa e tema carnaval. Mas cu claro tur hende a gusta e musica di Aruba. Ambos atleta a haya hopi bon comentario di nan presentacion. Awor aki nan lo sigui entrena mirando cu nan proximo competencia ta National Qualifiers fin di Maart. Na e competencia aki, nan mester clasifica pa Nationals cu ta den Mei.



Aruba Wieler Bond organisando competencia Clasico Himno y Bandera

ORANJESTAD - Diaranson 18 maart 2020, Comision Ruta bou auspicio di

Aruba Wieler Bond lo ta organisando un competencia pa tur e amantenan

di roadbike.

E competencia lo cuminsa

y caba na Sero Colorado. E competencia aki ta e tradicional careda di ciclismo di Ruta di dia Nacional 18 di maart.

Lo tin categoria mayor y menor participando ariba e dia aki.

Careda ta cuminsa 6or y mey di mainta na Sero Colorado y desde cuarto pa seis di mainta ciclistanan lo mester pasa registra na e mesa di registracion, pa asina start e careda segun e orario stipula.

Lo tin varios ciclista den diferente categoria cu lo bataya contra otro ariba e ruta.

Categorianan menor lo competi ariba e ruta chikito den area di Sero Colorado, Colony.

Pa cu e categoria mayor nos tin cu menciona cu e ruta lo ta uno desafiante pa e coredonan den categorianan manera Elite, Junior, Master

y Women open.

Nos ta invita tur ciclista pa pasa inscribi na Tribike, Tech Shack y tambe ariba e anochi di inscripcion, diasabra 14 di maart entre 6:30pm – 9:00 pm na YMCA Dakota & YMCA San Nicolas.

Alabes nos ta manda un cordial invitacion pa comunidad di Aruba pa bin apoya nos ciclistanan y presencia un careda desafiante yena di adrenalina.

Por ultimo nos ta informa cu seguridad di nos ciclistanan y boluntarianan ta na prome luga y den conexion cu esaki nos ta pidi cooperacion di tur automobilista pa tene cuenta cu e ciclistanan y boluntarianan cu lo ta ariba e ruta di Colony, San Nicolas, St Cruz, Macuarima, Cobalodo, Piedra Plat, Bloemond, Jaburibari, Calabas, Kudawecha y Arashi.



Parlamentario Alan Howell(POR):

‘Aumento di deviezenprovisie den presupuesto 2020 no lo cumbini pueblo ‘at all’

ORANJESTAD - Parlamento di Fraccion di POR, Alan Howell a muestra su preocupacion pa loke por a lesa den presupuesto 2020 unda tin poni cu lo aumenta e deviezenprovisie. El a bisa cu e tin hopi duda riba e aumento aki y cu e no lo cumbini pueblo ‘at all’.

E ta compronde cu e situacion financiero economico cu gobierno anterior a laga atras ta uno desastroso y pa por sana esaki mester tuma pasonan unda tur hende ta contribui. Por mira cu tin pasonan di reduccion di gastonan di aparato publico y di otro banda ta buscando e diferente formanan pa hisa e entradanan di Pais Aruba. Entre esakinan por a ripara e aumento di e deviezenprovisie.

Aki ta unda e parlamentario di e fraccion blauw ta muestra su preocupacion ya cu e paso aki lo tin efectonan negativo riba henter nos comunidad y tambe bishitantenan. Si bin cu e aumento di deviezenprovisie tur comerciante lo sinti su consecucionnan unda lo mester bay paga mas pa e transaccionnan, mirando cu gran parti di e productonan

na nos isla ta importa. Naturalmente e gastonan adicional aki lo wordo recalcula den e productonan bendi na nos comunidad, lo cual ta encera cu tur producto lo aumenta di prijs. E ahustacion aki tambe lo tin consecucionnan financiero pa tur esunnan cu tin un credit card y ta uza esaki, mescos cu pa esunnan cu ta manda placa afo.

Howell ta bisa cu e situacion den cual nos comunidad ta aden ta uno hopi dificil caba, costo di bida na Aruba ta hopi halto caba, hopi famia ta den situacionnan hopi precario y tin algun di nan cu e placa no ta yega pa cumpra cuminda. Cu esaki ta aumenta e presion riba nos sociedad y por aumenta e problemanan social cu ya caba ta alarmante.

Ademas, e aumento di deviezenprovisie lo tin efecto negativo riba proyectonan miyonarionan cu ta den pipeline pa cuminsa na Aruba, cu lo por contribui cu e boost y desaroyo economico di nos pais. Poniendo esakinan den un posibilidad pa kisas no bay door mas, debi cu e proyecto lo sali mucho mas caro cu a wordo presupuesta of financiacia.

Gabinete Wever-Croes a bin ta haci su best pa mehora e situacion financiero di Aruba cu a hereda for di gobierno di AVP, a purba di tur manera pa mehora esaki sin cu a mishu cu saco di nos hendenan. Pero debi na e desaster y e buraco gigantesco den caha di nos pueblo, mester a tuma e decisionnan di bin cu un serie di ahustacionnan pa nos tur contribui un tiki pa evita cu nos isla sigui den e rumbo di bancarota cu nos tabata bayendo. Mientras tanto, a pesar di e situacion asina complica, toch a logra e forma pa presenta un presupuesto cu un surplus y cuminsa paga pa e locura di proyectonan PPP di gobierno di AVP.

“Mi ta consciente cu cierto pasonan ta necesario, pero mi ta sigur cu integrantenan di Gabinete Wever-Croes ta consciente tambe cu nos pueblo no por carga mas pa e erornan y e locuranan di gobierno pasa y mi ta sigur cu lo por bin tambe cu otro formanan pa evita esaki”, parlamentario di POR a declara.

Teniendo tur e puntonan ariba menciona, Alan Howell ta haci e peticion na Gabinete Wever-Croes pa reconsidera e aumento di e deviezenpro-



visie na e momentonan aki y pa mira otro posibel solucionnan pa logra aumenta e entradanan di gobierno sin mishu mas cu e cartera di nos

pueblo. Naturalmente Fraccion di POR tambe lo presenta alternativanan durante reunion publico.

Parlamentario Endy Croes(MEP):

‘Benny Sevinger no por get away with murder’

ORANJESTAD - Parlamento Endy Croes siman pasa a saca un artikel

“De falend OM” pidiendo Hulanda refuerso tijdelijk pa Ministerio Publico.



Manera nos sa cu Ministerio Publico ta onder bemand den expertisio y mankracht y banda di casonan grandisimo di corrupcion di x minister-nan di AVP nan man ta yen cu daily operations pues tur e casonan rutinario.

Cuminsando na Paul Croes x minister di AVP kende a wordo sentencia na 4 aña di prizon mas 10 aña cu e no por aparece riba ningun lista publico nos tin e caso andando di Benny Sevinger otro x minister di AVP kende ta e sospechoso primordial den caso di corrupcion y fraude miyonario di “tereno gate” cual caso Ministerio Publico a dun’e e nomber di “Avestruz”. Durante fin di siman Parlamento Endy Croes a sigui splica di a bolbe atende diferente actividadnan publico y a haci varios bishita

na cas di con ciudadanonan y e tema cu mas ta bin dilanti ta e hecho dicon Ministerio Publico ta tardando asina hopi cu e casonan di corrupcion y fraude politico. Parlamento Endy Croes ta sigui splica cu e ta comunica na pueblo pa nan tin pasenshi y confiansa den Ministerio Publico pero alabes ta splica cu e ta den proceso pa haci peticion na Hulanda pa duna Ministerio Publico un man y te hasta un tijdelijke toezicht met steun al estilo di CAft pa asina rond af e casonan pisa cu pueblo tin den nan curason.

Benny a grita den Parlamento cu I dont give a dahn! Pues horta e pais aki na mal ordo y colabora como facilitado pa diferente amigonan bende opties riba terenonan comercial via Shares den NV’s cu ni tabata existi momento cu el a haya e opties pa miyones. Asina Benny Sevinger y Paul

Croes ala estilo bandoleros a maneha e pais aki pa enriquece nan mes. Parlamento Endy Croes ta compronde e angustia y rabia cu ta bibando den pueblo riba ambos caso cu ta tumando demasiado tempo pero ta keda pidi pueblo e pasenshi necesario como cu nos ta bezig buscando alternativa pa brinda sosten sea via experticio of mankracht pa asina Ministerio Publico por adelante den nan trabou. Nos no por lubida e documentonan cu tin riba mesa unda den un solo transaccion di bendemento di tereno a bay 3.5 miyon dollar y tur esaki cu cooperacion di Benny Avestruz Sevinger di AVP. Hendenan aki no tin derecho pa bolbe nunca pero nunca mas y alabes mester duna cuenta dilanti mesa berdad y paga pa nan actonan. No mester descarta cu afpak team na su debido tempo mester actua tambe contra nan.

Lider di AVP, Mike Eman:

‘Medidanan nobo lo ta devastado pa economia di Aruba segun Raad van Advies’

ORANJESTAD - Diabierna ultimo a yega Parlamento e pakete nobo di medida cual gobierno lo bay pidi aprobacion di Parlamento pa esaki pero realmente Partido AVP ya tabata na altura di otro pakete di medida pero ningun momento por a pensa cu e actual gobierno por a pensa pa un rato cu e pais y pueblo, lo por carga un pakete di medida semehante.

Lider di partido AVP, sr Mike Eman a muestra dialuna mainta tempran cu ta trata di un pakete di medida, caminda hopi bes institucionan local di conseho ta toch indica pa busca fondonan pa gobierno pero den e caso di e proximo pakete di medida, e conseho di Raad van Advies, ta indica cu e pakete di medida aki ta bay ta devastador.

“AVP a haya e conseho tambe di Raad van Advies riba e leyman cu gobierno ta presentando na Parlamento pa aumenta tur tipo di impuesto y caminda Raad van Advies den un forma hopi cla, cu e impacto di e medidanan aki, ta bay afecta comercio en general na Aruba, ta bay afecta poder di compra na Aruba,

ta bay afecta turismo.

De facto na tur esaki, Raad van Advies ta muestra cu si tuma tur e facetanan, si e clima di inversion, si di comercio, si e poder di compra tur esakinan wordo afecta, practicamente por papia di un crash economico cu e pakete di medida di gabinete Wever Croes kier bay introduci.”

E lider di AVP a sigui muestra cu ora cu tuma nota di contenido di e pakete di medida nobo aki, tur hende lo realisa e motibo di e preocupacion grandi cu Raad van Advies a conseha gobierno pa no presenta e ley aki na Parlamento, ya cu consecuencia di e leyman aki lo ta ‘ingrijpend.’

“Raad van Advies ta papia di ‘rigoreuze maatregelen met ingrijpende gevolgen’ pa henter comunidad y e medidanan aki lo ta no uno of dos pero hasta te dies mas pio cu e pakete di medida cu ya caba e gobierno aki a introduci inicialmente, cual medidanan aki caba tin nos pueblo, den un sufrimento total, poder di compra totalmente a wordo afecta y costo di bida pa nos conciudadananan a bira impagabel.”

Mike Eman a sigui muestra cu gabinete Wever Croes ta bay introduci un BBO adicional riba tur importacion, caminda tur cos cu wordo importa, na e momentonan aki, ta bay wordo aumenta cu 6%.

Pues si invoerrechten tabata 12%, awor lo bay bira 18%, si e tabata 18% awor tur hende lo bay paga 24%, si e tabata 24% awor lo bay paga 30% y tur tasa di importacion ta bay wordo aumenta cu 6% caminda ya caba gobierno a bisa di ta spera di lo bay haya cerca di 35 miyon extra na entrada cu e medida aki ta trece cune. Str Eman a sigui muestra cu gobierno ta bay aumenta deviezenprovisie cu 50% mustrand cu na e momentonan aki pa cada compra internacional cu un hende haci, cu tur importadornan, cu tur wholesaler, cu tur tienda, cu tur comercio caminda cu ora nan cumpra dollar pa busca mercancia pa asina consumidornan na Aruba por haya, ya caba nan ta pagando nan ta pagando un deviezenprovisie di 1.3% y esaki lo bay bira awor 1.9% cu ta un aumento di 50%.

“Esaki ta un medida cu ta bay tin implicacionnan grandi tambe hunto cu e BBO cu

tabatin caba redobla, hunto cu tur e cambionan cu a wordo introduci durante ultimo temponan, awo cu e 6% di BBO cu importacion, cu e aumento aki di deviezenprovisie, nos por papia di un resultado sumamente negativo riba prijsnan den comunidad.”

Fuera di e aumentonan impactante aki, lider di AVP a sigui muestra cu gabinete Wever Croes a dicidi cu ta bay elimina e tarifa special cu tin pa esunnan cu ta manehando hotelnan na Aruba caminda na e momentonan aki, tin tarificanan special pa hotelnan pa asina nan por inverti y drecu e calidad di e producto di nan hotelnan pa asina Aruba keda competitivo.

“Esaki a funciona tremendamente creando desaroyonan positivo caminda por scucha ministernan actual papia riba e hecho cu revpar a subi pero esaki a subi dor cu e hotelnan a mehora nan producto, mehora nan servicio, tur esaki pa motibo cu tin un ley cu ta duna nan incentivo y e ley aki ta bay wordo elimina pa e hotelnan.”

Tambe gobierno ta bay kita for di ATA, hustamente na un

momento cu nos pais ta pasando den un preocupacion sumamente grandi pa local ta turismo di Aruba, caminda prome cu e corona virus nos por a mira cu na Januari turismo di Aruba a conoce un caida di preocupacion y a conoce un caida den e revpar.

Tur esaki sin e influencia cu nos ta mirando na e momentonan aki den e mundo di crucero, den e mundo di bi-ahamento, cual desaroyo tin aerolineanan hopi preocupa cu henter e virus aki ta causando un temor cerca clientenan, caminda tin clientenan cu no kier biaha mas, cu no kier bay riba crucero.

Anto kico nos ta mira cu ta hustamente memey di tur e incertidumbre aki, gabinete Wever Croes, a dicidi ya caba for di luna di november di 2019, caminda AVP a anticipa caba for di november ultimo cu e aña aki lo bay ta un aña dificil, pero nos a mira cu mercadonan cu ta competitivo pa Aruba, cu tabata cera pa motibo di dañonan di horcan, ta bay habri y riba dje awo ta bay kita 35 miyon for di presupuesto di promocion di ATA,” lider di AVP a muestra.



Booshi Wever(UPP):

‘Gobierno, parlamento "otro", CAft y SvB no kier compronde cu no haya cama pa tanta gente’

ORANJESTAD - Algun siman pasa CAft a decreta cu nan ta sostene e sugerencia di SVB pa den e añanan venidero e contribuyentenan di SVB y AZV subi cu un cantidad di 28.000 trahado di afo. Esaki, segun nan, ta necesario pa garantiza e nivel di nos sistema social y di cuido (malesa y vehez).

UPP a muestra cu 28.000 contribuyente mester wordo multiplica cu factor 4 (den caso di reunificacion di famia), loke nifica un total di rond di 112.000 hende extra riba e pais aki. Varios organizacion, incluyendo SVB, a muestra cu e “quickfix” di 28 mil inmigrante tin efectonan negativo, pero no ta duna un splicacion kico esaki ta encera. UPP a pidi e instantianan aki, pa publica e informacion- y estudianan correspondiente pa en todo caso brinda nos pueblo e oportunidad pa por husga e meritonan di e “quickfix” aki, pero manera a para bira custumber di e gobierno actual, igual na esun anterior, atrobe ningun reaccion. Pakico e silencio hermetico pa un topico cu un embergadura di marca mayor pa nos futuro??

Nos por corda cu na comienso di gobernacion POREDmep, e coalicion den Parlamento a muestra riba e moratorio cu mester bin riba expansion di cambernan di hotel. A urgi e

ministernan den un mocion pa atende cu e capacidad di carga cu tur seriedad, pero atrobe nos mester constata cu e urgencia a desaparece den e buki di olvido. Loke si a bin ta sosode ta, sin ningun tipo di estudionan di factibilidad, cu gobierno POREDmep a bay over na expande e cantidad di camber bou di e pretexto cu ta AVP ta esun cu a compromete Aruba cu mas camber. E forma descabeya cu AVP tabata maneha otorgamento di tereno, incluyendo pa expansion di mas hotel- y condominionan, a pone cu desde 2013 UPP a cuminsa vocifera cu no mester bin cu mas construccion di hotelnan grandi aki na Aruba. Na 2017 incluso nos a urgi gobierno pa para construccion di “boutique hotel”, ya cu cada camber cu wordo traha ta implica importacion di mas trahadonan di afo.

Nos a muestra cu e nivel di e poder laboral cu mester importa, tanto ora di construccion como despues pa duna servicio den hotelnan, lo no ta esun cu ta bay gana un bon salario. UPP a duna como alternativa, enbes di un e “quickfix” di construccion di mas hotel, pa atrae inversionistanan den sector di servicio y di industria hi-tec. Ta conoci cu e tipo di industria aki lo emplea personanan cu un salario mas haltu. Nan lo tin un miho contribucion na nos fondonan social. E inmigran-

te cu bin pa traha den e hotelnan(85% lo ta gana sueldo minimo) lo contribui masha nada nada mes na e parti di prima di AOV/AWW y AZV. En cambio, e impacto riba e fondonan ora di bay haci uso di nan, lo hustamente peligra e fondonan aki mas. Sin papia mes di e importacion di mas problema social cu e “quick fix” aki lo trece cune!!

UPP a kere cu expansion di e cantidad di habitante cu 112 mil personan lo mester a haya atencion di biaha di e parlamento “otro” y gobierno! Un reunion urgente di Parlamento mester a tuma lugar caba pa asina papia riba e tema aki, particularmente mirando cu ta CAft sugeri esaki. Pero ningun reaccion pasobra loke CAft sugeri parce di ta ley pa e gobierno actual. Ni sikiera un calculacion kico e efecto di 28.000 contribuyente extra lo nifica y p’esey UPP tin e conviccion, cu aprobacion di gobierno y parlamento “otro” pa permiti e 28 mil trahado y nan famia bin establece na mes na Aruba ta “pan comido”. E encargo cu Parlamento “otro” a duna gobierno pa studia e capacidad di carga un biaha mas a wordo lubida. AHATA a manda un mensahe hopi cla kico ta pasando y kico lo bay pasa si sigui cu e maneho populista di e gobierno POREDmep, pero ta parce cu un biaha mas no tin oido pa e gritonan di advertencianan aki.



“No Hay Cama Pa Tanta Gente” y p’esey UPP ta urgi gobierno pa no permiti sin mas un modelo di porta y bentana habri manera ta e caso awor, pero si mester mas trahado di afo mes, institui atrobe e modelo Suizo, esta permiso pa maximo 3 año. AVPOR a tira e modelo aki den “prullemand” y POREDmep a corona e obra dor deshaci di dje definitivamente pa medio di ley. Te na ultimo,

prome cu a elimina e modelo aki for di den ley, UPP a trata di muestra na e partidonan for di unda e modelo aki a nace, cu hustamente mester conserva e parti aki den ley. E modelo suizo hustamente lo nifica cu e.o. e peso riba e fondonan di tanto AZV como di SVB lo wordo mitiga grandemente. Pero lamentablemente nos tin un “Parlamento otro y diferente”.

Parlamentario Rocco Tjon(MEP):

‘Un reunion fructifero cu Hessels di Stichting Deugdelijk Bestuur Aruba’



ORANJESTAD – Diamars ultimo mi tawata tin un reunion fructifero cu Armand Hessels di Stichting Deugdelijk Bestuur Aruba. A papia riba diferente topico manera entre otro con nan ta percibi e maneho financiero actual y e proceso pa implementa un “National Integrity System”.

National Integrity System
Manera ta conoci algun tempo pasa Prome Minister Evelyn Wever-Croes a firma un “memorandum of understanding” cu Stichting Deugdelijk Bestuur Aruba pa yega na un “National Integrity System”. Esaki sigur ta un paso significante pa fortifica

practicanan di bon gobernacion. Den cuadro di esaki tin cooperacion cu Saxion Hogeschool, cual ta un di e Institutonan renombra riba e materia aki. Ya caba a inicia e investigacion aki y 15 di April e profesornan en cuestion lo ta na Aruba pa papia cu diferente “stakeholders”, entre otro Gobierno y Parlamento.

Invitacion pa simposio

Durante reunion sr. Hessels a extende un invitacion oficial pa participa na un simposio na fin di año. Un tremendo iniciativa cu lo atende aspectonan manera modelonan democratico, cultura politico y gubernamental. E simposio aki lo conta tambe cu contribucion di profesornan di

Universidad di Leiden. Pa Conclui

Na final di e reunion no por a keda sin toca e parti di Aruba su finanzas publico. Sr. Hessels a duna di conoce cu el a tuma nota di e reaccion di CAFT riba e cifranan di realizacion di 2019. A pesar cu sr. Hessels ta boga pa mas atencion pa gastonan di personal, e ta enfatisa cu e reaccion tawata positivo y cu e mes tambe ta haya esaki positivo. Den e reaccion di CAft a wordo subraya cu Gabinete Wever-Croes a uza 33 miyon florin menos di locual tawata presupuesta y tambe gasto di personal a baha.

Partido MEP:

‘Den historia politico di Aruba AVP ta e unico partido di medida’

ORANJESTAD - Desesperacion pa poder no solamente ta haci hende loco sino ta pone hende perde tur berguensa y eventualmente e hende ta converti su mes den un gañado compulsivo cu e fin pa logra su meta maligno. Mas aleu ainda, un gañado compulsivo ta biba lubida completamente su responsabilidad den su mes un hecho y maneho cu a causa desaster total, siendo cu niun dia el a wordo diagnostica cu e malesa di Alzheimer.

Esaki ta e descripcion exacto pa e ex prome minister di Aruba, Mike Eman. El a bira un gañado compulsivo. Mas ainda pasobra e tin e mentalidad cu nos pueblo no por ta di e inteligente ey y no por distingui entre e berdad y maldad. Mike Eman a biba

lubida cu e tata di medidanan di nos pais ta e mes, y awo e kier papia cu Gobierno di Evelyn Wever-Croes a bin cu pakete di medidanan.

Si Mike Eman kier papia di pakete di medida, nos por recorde tur e medidanan cu el a impone riba nos pueblo pa asina cubri su fechorianan y gastamento di placa pa loco. Anto Mike Eman ni un dia a pensa si e pueblo por a carga su pakete di medida mucho menos Mike Eman a haya un tiki di duele cu e tawata horcando e pueblo cu tanto medida cu el a bin cune. Algun manera ladron di anochi el a saca nan.

Esakinan ta un lista di algun medida di e gobierno di Mike Eman:

1. A hisa prima di AZV for di 1 di januari 2011
2. A kita reduccion di

prima di AOV pa parehanan casa (Awor tur dos ta paga!)

3. A hisa Roomtax di 6% pa 9% y tambe pa “all inclusive”
4. A hisa Timeshare tax
5. A introduci Vlieg tax di US\$ 10
6. A corta den derecho di empleadonan publico (middelloonregeling y franchise)
7. A hisa accijns riba cerbes, whiskey y sigaria
8. A aumenta (restriccion riba) derecho di importacion riba cerbes y biña
9. Ta cobra taxistanan na Aeropuerto
10. A hisa e suma pa pasa Staatsexamens
11. A hisa tarifa di inkomstenbelasting (eliminacion di inflatiecorrectie)
12. A hisa grondbelasting cu 15% riba e balor di propiedad
13. A introduci Car

Rental Tax

14. A hisa prima di AOV entrante 1 di januari 2014
15. A hisa edad di pensioen te cu 65 aña
16. A hisa tarifa di bus (Arubus) cu 11%
17. A introduci Vastrecht di 10 florin riba recibo di coriente
18. Tin cu paga 159 florin pa bishita Eerste Hulp
19. A corta riba subsidio di SABA (nos grandinan) y SVGA (hendenan special),
20. Casa Cuna, FMAA (personan di adiccion, FDEC (arte y musica), etc.
21. A corta den tur departamento di gobierno 500 cobrado di Onderstand,
22. 300 contractant, dienstautonan, inversionnan, etc.

Esakinan ta algun di e medidanan cu AVP no a logra bin cu nan:

1. Tin cu paga contribucion propio di 3 florin pa cada receta na botica
2. Lo hisa BBO cu 1% extra pa paga AZV (Health Tax)
3. Lo introduci un Financieel Transfer tax pa tur transaccion bancario
4. Lo introduci un Kopers Marge Tax
5. Lo hisa prijs di coriente cu 19% entrante 1 di oktober 2014
6. Lo hisa Vastrecht riba recibo di coriente cu 29%

Pero e realidad ta keda cu ta AVP, y AVP so ta e partido cu no solamente a hinca Aruba den estado financiero critico, sino tambe AVP ta e unico partido cu a bin cu asina hopi medida riba lomba di pueblo pa asina tapa pa nan mal maneho y gasta placa na nan friends, family y tin biaha hasta nan lovers.

Parlamentario Michael Lampe (AVP):

‘Den presupuesto 2020 e hende no ta central mas’

ORANJESTAD - CFT tabata e prome instancia cu a anuncia cu gabinete Wever Croes lo presenta un presupuesto 2020, yena di mas medida contra pueblo, algo cu fraccion di AVP tambe a bin ta bisando pa hopi tempo caba.

Miembro di fraccion di AVP, sr Michael Lampe ta muestra cu e tipo di desaroyonan aki no ta nada straño of sorpresivo, ya cu desde cu gabinete Wever Croes a huramenta, ningun pero ningun deci-

sion a wordo tuma caminda pueblo ta sali beneficia.

Parlamentario Lampe ta muestra cu pa di dos siman sigui, Prome Minister Wever Croes ta habri siman c’un conferencia di prensa caminda e ta trata di ‘blancha’ un bolo den otro intento pa hustifica mas medida cu lo afecta bida di tur ciudadano riba e isla aki.

“Ya Prome Minister no sa mas con pa conta su storianan, no sa mas con pa convence pueblo, cu despues di a

ranca mas di 300 miyon caba for di cartera y economia di e pais, ainda e tin mester di 100 miyon florin pa sigui derocha cu su gobierno cu no tin vision pa nada bon.

Ta di tres presupuesto cu e supuesto salbadonan di patria aki ta presenta na pueblo caminda no tin absolutamente nada positivo pa pueblo, caminda ningun caminda por mira cu gabinete Wever Croes, ta bay cumpli cu un solo promesa haci na pueblo durante di campaña electoral.

Ta di tres presupuesto cu pueblo ta haya absolutamente nada for di gabinete Wever Croes y den un forma hopi pover mes, Prome Minister y su gobierno a anuncia aña pasa cu su gobierno a duna pueblo bek den reduccion di ‘loon en inkomsterbelasting’ cu ta suma hunto un reduccion di 16 miyon florin pa pueblo. Esey pueblo a haya for di gabinete Wever Croes pero di otro banda e mesun gobierno aki a ranca 240 miyon florin for di mesun pueblo aki, pues en realidad no a duna pueblo nada pero absolutamente nada pa drecha e situacion financiero di famianan rond Aruba.

Practicamente por bisa cu Prome Minister y su gobierno ta duna pueblo un aumento di 15 cen pero di otro banda ta ranca 25 florin for di su cartera y esaki ta pone cu e nivel di bida di nos hendenan, ta sigui deteriora bou di maneho di gabinete Wever Croes.

Prome Minister ta bay prensa caminda e ta trata di hustifica loke no tin hustificacion, sigur ora cu pueblo tuma nota cu di un gobierno cu a priminti y sigura tur hende cu lo regla e asunto financiero di e pais sin medida, awo e mesun gobierno aki ta bay den

historia politico di nos pais, como e gobierno cu a tuma mas medida contra pueblo di Aruba.

Ya caba a ranca 240 miyon na 2019, supuestamente pa paga proyectonan di PPP pero awor no ta papia mas di mega debe y practicamente no ta mencionando proyectonan di PPP mas sigur mira cu pueblo a haya sa cu a cobra asina hopi pa paga e proyectonan aki, pero no ta bisa kico a haci cu e miyonnan cu a cobra di mas.

Den presupuesto 2020 ya caba CFT a muestra cu tin un suma di 110 miyon florin cu ainda gabinete Wever Croes no por hustifica for di unda e ta bay haya e placa aki pero scucha Prome Minister duna un ceremonia asina fini y suave, ta mas cu claro cu ta for di cartera di pueblo, comercio y turistanan, lo bay ranca e suma miyonario aki.

Practicamente por bisa cu gabinete Wever Croes a converti su mes den un atracado di cartera di pueblo, caminda no ta tene consideracion cu interes di pueblo, cu interes di e pais ya cu interes di pueblo no ta na prome luga pa Prome Minister y su gobierno,” Parlamentario Michael Lampe a declara.





Ban cu legria na cas di Señor!
Ki legria, ora nan a bisa mi:
"Laga nos ban cas di Señor!"
Y awor ata nos aki
Para na bo portanan, Señor.
Salmo 122

A fayece cristianamente:



Pedro Celestino Figaroa
Mihor conoci como: "Peti" of
"Meneer Figaroa"
*19-05-1955 - †06-03-2020

Esposa: Marieta Figaroa-Dijkhoff
Yiu: Guillaume Figaroa
Rumannan: Ria y Ety Croes y famia
Ivan Figaroa
Selma y Miguel Nava y famia
Tanta: Juana y Chemmy Semeleer-Semeleer y famia
Swa y cuñanan: Sira y Jan Tromp y famia
†Alberto Dijkhoff y Anna Dijkhoff-Semeleer y famia
Dora y Isais Hernandez y famia
Lena y Rafael Jansen y famia
Milda y Jullian Weller y famia
Filomena Croes-Dijkhoff y †Franklin Croes y famia
Deta y Frido Maduro y famia
Oslin y Maria Dijkhoff y famia
Elvira Trimon-Dijkhoff y †Chimbo Trimon y famia
Fanchi y Milly Dijkhoff y famia
Ester y Renny Odor y famia
Marlin Dijkhoff y famia

Sobrino y sobrinanan, primo y primanan: Figaroa, Dijkhoff, Semerel, Semeleer, Croes, Nava, Tromp, Hernandez, Jansen, Weller, Maduro, Kelly, Trimon, De Cuba, Odor

Oportunidad pa condolencia: 11 di maart 2020 na Aurora Funeral Home di 7'or pa 9'or di anochi.

Ta invita pa e acto di entierro cu lo tuma lugar diahuebs 12 di maart 2020 di 9'or pa 11'or di mainta na Aurora Funeral Home, despues saliendo pa Santana catolico na Noord



Señor ta mi wardador, mi tin falta di nada
Den cunucu di yerba berde e ta ponemi sosega.
E ta hibami na awa frankil,
Pa mi bolbe haña forsa.
Salmo: 23

Nos ta anuncia fayecimento di:



Sr. Evaristo Ras
*26-10-1936 - †08-03-2020

Na nomber di su mayor nan
+ Jose Ras y + Bernolina Ras

Ruman nan
+ Virginia Ras y yui nan
+ Jacobo Ras
Maxima Ras
Marcelino Ras y casa
Carmen Ras y yui
Margaritha Bremono-Ras, casa y yui nan
Rosa Ras y yui nan
Delfina Kelly-Ras, casa y yui nan
Betico Ras, casa y yui nan
Brigida Ras y yui nan

Tanta: Ana Maria Raphael
Primo y prima nan

Trahador nan di Stichting S.A.B.A.
Palisiaweg

Demas famia nan:
Ras, Bremono, Kelly, Hernandis, Geerman, Henriquez, Raphael, de Cuba, Paskel, Farro y Croes.

Ta invita pa asisti na acto di entierro cu lo tuma lugar diabierna 13 di maart 2020 for di 9'or pa 11'or di mainta na Aurora Funeral Home despues pa santana catholico na Sta.Cruz.

Inauguracion di e plakkaat di `Plaza Inmaculada Curason di Maria`

ORANJESTAD - Diabierna 13 di maart 2020 dilanti di e Monumento di Inmaculada Curason di Maria na misa di Santa Cruz lo inauguracion di e plakkaat di `Plaza Inmaculada Curason di Maria`.

Pa 5.30 pm ta cuminsa cu ceremonia di bendicionamento di e plakkaat riba e plenti y alabes parkeerplaats. E plakkaat ta marca e luga, asina e pueblo por haci distincion cu ta un luga di devocion. Tur 13 di luna debotonan y fielnan ta bin hunto pa resa e Santo Rosario na honor di Virgen Maria. Ta resa y canta y oracionnan specialmente pa nos planeta cu ta asina bon crea pa humanidad por sinti nan mes feliz pa biba riba e planeta regala. Ta invita tur cu a Consagra cu e Scapu-

lario y medaya pa bin resa hunto pa duna homenahe na nos Mama Celestial. Nos tin grupo di Savaneta, Playa, Noord, Santa Cruz y diasabra ultimo tabata Paradera. Ban mustra Mama Maria cu nos tur ta di bon curason y nos ta dispuesto pa sigui su yamada. Resa cu devocion, Resa diabierna Misterio Doloroso. 6 or ta resa Angel di Señor. Bo por trece stoel of un kruik, trece bo buki di oracion. Nos Mama Celestial ta roga nos cu ta resa pa sigui resa, E ta pidi na Medjergorgie cada bes di nobo, resa, resa pa esunnan den purgatorio, esunnan cu a bira lomba y coy camindanan cu no ta di Dios. Pa muribundonan cu ta nan so y bandona. Haci sacrificio, yuna y abstinencia den e tempo di cuaresma.



Directiva di SIMAR ta anuncia fayecimento di nos miembro



Sra. Josephine Eleonora Beyde-Samuel

*Directiva ta Extende su mas sentido pesame na su yiu, nietonan, su EX-coleganan di Colegio Santa Teresita y demas famia.
"Dios duna forsa y consuelo na su famianan den e dianan dificil aki."*

Cu Josephine sosega na paz.





☐ **Si Dios ta pa nos, ken por ta contra nos** ☐
Rom. 8:31

**Cu honda pena pero conforme cu Dios su
boluntad nos ta anuncia fayecimento di nos
ser stima:**



Frederick Efraim Tromp
Mihor conoci como ☐ **Fray** ☐ **of**
☐ **Frey** ☐
***20-01-1957 - ☐08-03-2020**

Na number di su:

Casa: Swinda Tromp-Koolman

Mama: Isabel Tromp-Kelly

Tata: ☐Eligio Remigio Tromp

Yiunan: Jisse Tromp y famia

Karen Tromp y famia

Viviana Tromp y famia

Manera yiu: Sandrick y Fabiola Albus y famia

Nieto(a)nan: Andrew, Sarah, Oliver, Scarlet

Rumannan: Richard Tromp y famia

Edigio Tromp

Raquel Tromp y famia

Vivian Tromp y famia

Lyane Tromp y Armino Costa y famia

Gareth Tromp

Swanan: ☐Nilo Chirino

Luis Koolman y famia

Mario Koolman y famia

Gerald Koolman y famia

Roland koolman

☐Carlos Koolman

Joseph Koolman

George Koolman y famia

Cuñanan: Betty Nissa y famia

Almira Koolman y famia

☐Richardina Koolman y famia

Maria Kelly y famia

Antonietta Boekhoudt y famia

☐Evelina Koolman y famia

Sobрино- y sobrina nan y famia

Tanta- y omo nan: Orpano Tromp y famia

Tina Lacle y famia

Maria Luyben y famia

Juan y Erla Tromp

Emilia Tromp y famia

Maria Maduro y famia

Pedro Kelly y famia

Rufina Tromp y famia

Ricardo (Cai) Winklaar y famia

**Comer y compernan, madrina y padrino, primo y
primanan y famia.**

**Famianan na Hulanda, Merca, Curaçao y demas
famia nan (mucho hopi pa menshona)**

Colega nan di ☐Fray Service☐ DOW, ex colega nan di
Excelsior Casino, Koningin Wilhelmina Fonds.

Bisiñanan y conocirnan

Bon bisiñanan: Leo y Mery

Bon amigo nan di cas: Kuwait y famia, Junior

Quandt y famia, Linda y Mark

Amiga: Sandra Tsu

Ayudantenan: Maite, Lola, Ivy

Dr. Joaquin van Trigt

**Ta invita pa acto di condolencia y despedida cual
lo tuma lugar diahuebs 12 di maart 2020 di 1 or pa
4 or di atardi na Misa Birgen di Fatima na Dakota.
Cremacion lo tuma lugar despues.**

**Enbes di krans of flor lo tin un box disponibel pa
donashon pa Koningin Wilhelmina Kankerfonds.
Nos disculpa si den nos tristesa por a lubida algun
famia of conocir.**

**Despues di despedida nos no ta ricibi bishita di
condolencia na cas.**



Laga tur loke ta spera mi ta bunita
Laga tur locual cu mi encontra na caminda ta
bunita
Laga tur locual cu mi laga atras keda bunita y
Laga esakinan termina den tur bunitesa.
Cado Wever.

A fayece cristianamente mi Casa, nos Mama,
Wela, Bisawela, Ruman y Tanta stima:



Sra. Magdalena Tromp-Luydens
Mihor conoci como ☐ **Leen** ☐
***13-10-1938 - ☐03-03-2020**

Na number di su:

Casa: Sylvester ☐Chamito☐Tromp

Yiunan: Marlene Tromp

Jeanine Tromp y Kees Hoek na Hulanda

Gregory Tromp y Edymarlin Josefa

Rumannan: Rosalinda ☐Lily☐Luydens

Maria ☐Ija☐Luydens

☐Pedro Luydens y Marina Luydens-Giel

Camilio ☐Milo☐y Mariska Luydens-Tromp

Unico Tanta: Jesusita Franken-Luydens

Nieta(o)nan: Hiram y Emmi Tromp y yiunan
Candice, Mkenzie, Cypher, Rebecca Wanga,
Chris Kelly Wanga y yiunan Gillano, Quinten y
Vienna, Marley Wanga, Jennifer Wanga y Justin
Hogendijk y yiunan Desteny y Jurraily,
Rosalinda Wanga y yiu Jaden, Jeremy Wanga,
Brandon Tromp, Michelle Tromp y yiu
Sobrina(o)nan: Mary y Robby Geerman y yiu,
Rafy y Jasmine Jacoppuci y yiunan, Sergio y
Milenne Luydens, Luis Luydens
Swa- y Cuñanan: Vda. Rosalinda ☐Rosa☐Helder-
Tromp y famia

☐Bernardo y Fermina y famia

Jesusita ☐Chita☐Tromp na Hulanda

Hose ☐Djo☐y Rose Tromp-Nisbet

Filomena ☐Mena☐Tromp y famia

Vda. Beartrix ☐Truus☐Geo-Tromp y famia

Lydia y Bert Radings y famia na Hulanda

☐Mario y Tina Tromp-vd Biezen y famia

Mercedes ☐Chedi☐y Nagib Elhage-Tromp y famia

Ovito ☐Ovi☐Tromp

Magda Tromp y famia

Amiganan di cas Eveline Bronswinkel

Ex colega nan di Gonzales y Frasa Trading

Demas Famia: Luydens, Tromp, Giel, Franken,
Geerman, Gomez, Bermudez, Eckmeyer, Frans,
Sanches, Alvarado, Semerel, Semeleer, Helder,
Nisbet, Hayer, G

eo, Radings, vd Biezen, Elhage, Perigaut Monte y
demas familiaresnan, bisiñanan

**Ta invita pa acto di entierro cual lo tuma
lugar diaranson 11 di maart 2020 na Misa Sta
Anna na Noord di 9 or pa 11 or di mainta.
Despues lo sali pa Santana Catolico na Noord.
Condolencia lo tuma lugar na Aurora Funeral
Home diamars 10 di maart 2020 di 7 or pa
9 or di anochi.**

**Disculpa nos si den nos tristesa nos por a
lubida algun famia of conocir.**



Ponemi manera un seyo riba bo kurason, manera un seyo
riba bo brasa. Pasobra amor ta mas fuerte cu morto.
Cantares 8:6

Cu dolor na nos curazon, pero conforme cu boluntad di
Señor, nos ta anuncia fayecimento di nos ser stima:



Reinilia Yolanda Dirksz
Mihor conoci como “Nila”, “Nani”, “Mama”
***27-12-1947 - +07-03-2020**

Na number di:

Su Mayornan: +Silverio y +Maximina Dirksz-Wouters

Su Casa: Paulino “Polin” Croes

Su Yuinan: Mildred “Milly” y Juan Gomez-Croes

Myriam “Myam” Croes na Hulanda

Edith “Ditha” Croes

Ricardo “Dochi” Croes

Dilaida “Laida” Croes (Nieta)

Manera un Yui: Chelito y Wini Dirksz y yuinan

Su nieto/a nan:

Jarina Geerman y Maicol Peña

Gisberto Geerman y Suzen Thiel

Jordy Croes y Legna Rosales

Myrgene Croes na Hulanda

Stygian Croes na Hulanda

Troy Croes na Hulanda

Rose-Anne Wernet y William Fuentes

Angeliquah Villada

Ricardo Jr. Croes

Su Bisanieta/a nan:

Liam y Kian Peña

Giorino Geerman

Willvion, Xillvion y Xiarah Fuentes

Su rumannan stima:

Pedro y Sonia Dirksz y Famia

Clara y Thomas Dirksz y Famia

Demas rumannan: Perfilio “Buchi” y +Ana Dirksz y Famia
 Maria y Ming Maduro
 +Victoriana y Vicente Thiel y Famia
 Eduardo “De” Dirksz y Famia
 Rufina Dirksz y Famia

Su ex-nuero stima: Rito Geerman y Famia

Gregory Wernet y Famia

Su ex-nuero cu twt hibe tur caminda: Fransisco “Elvis” Tromp

Su cuña stima: Ana Werleman-Croes

Su bisiñanan stima: Ibi y Lourdes Tromp y Famia

Vivian Dijkhoff

Tur su nietonan di barío Jaburibari

Y demas sobрино/a nan, swanan, bisiñanan y conocirnan.

Demas Famia: Dirksz, Croes, Gomez, Geerman, Maduro, Thiel,
Wernet, Mackay, Peña, Greaux, Fuentes, Dirks, Werleman,
Villada, Herreira, Bello, Tromp, Ras.

Condoleer ta Diahuebs 12 Maart 2020 di 7-9pm Aurora Funeral
Home

Despedida ta Diabierna 13 Maart 2020 di 2-4pm y despues
Cremashon den Seno Familiar.

Despensa nos si nos por a lubida di menshona cualkier familiar
den e momentonan dificil aki.

Ta deseo di nos “mama” pa NO bisti color rouw pe sino color
Cora.



Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado di Sorteo 10 Maart 2020 Anochi

CATACHI
Sorteo # 7031
4266
6772
8357
BIG 4
Sorteo # 6075
1452
1OFF
Sorteo # 780
6475
ZODIAC
Sorteo # 4834
9334
Aries
KORSOU
Sorteo # 2696
4409
9534
0191

LOTTO 5
Sorteo #
0x Jackpot
0x Match 4+
0x Match 4
0x Afl. 12,00
480.000,-

LOTTO DIA
Sorteo # 5057
0x Jackpot
6x Match 4
125x Afl. 8,00
52.000,-

MINI MEGA
Sorteo # 1245
0x Jackpot
0x match 4
3x Afl. 500,00
55x Afl 50,00
68x Afl.15,00
330.000,-

MINI MEGA PLUS
Afl. 430.000,-



DIARIO 8240-7377-0556

SUPER 4 9157

Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado di Sorteo 10 Maart 2020 Merdia

CATACHI
Sorteo # 2853
9671
0842
6280
BIG 4
Sorteo # 2853
1163
1OFF
Sorteo # 909
5538
ZODIAC
Sorteo # 2853
8381
Leo

LOTTO 5
Sorteo #
0x Jackpot
0x Match 4+
0x Match 4
0x Afl. 12,00
480.000,-

LOTTO DIA
Sorteo #
0x Jackpot
0x Match 4
0x Afl. 8,00
51.000,-

MINI MEGA
Sorteo #
0x Jackpot
0x match 4
0x Afl. 500,00
0x Afl 50,00
0x Afl.15,00
320.000,-

MINI MEGA
Afl. 420.000,-



Aries

ARIES- Haci bo cos. No laga bo mes influencia door di tercera persona. Independientemente di e transito di Mercurio, e realidad ta cu den amor bo ta vibra den bon tono. Numbernan pa awe: 3, 13, 20 y 38.



Tauro

Bo ta dunando paso concreto den amor. Si bo ta den busca di un luga diferente pa biba, bay otro ciudad, trabao of actividad nobo y lo bo ricibi indicacion di cambio. Numbernan pa awe: 8, 11, 29 y 36.



Geminis

E transito di bo dirigente ta birando super sensibil. Si bo ta sinti algo tristo, hala rosea profundo, concentra bo energia den otro actividad. Numbernan pa awe: 18, 20, 37 y 51.



Cancer

Tin hopi mudansa, bishita, cambionan importante den bo realidad sentimental. Tur cos ta posibel. Prepara bo mes pa lo inespera, pero tuma esey cu optimismo. Numbernan pa awe: 12, 21, 37 y 41.



Leo

Luna den bo signo ta aumenta bo pasion y sexualidad. Dos factor relevante den bo horoscop ta coincidiendo. Un di nan ta cu bo ta hopi excitabel, pero inquieto. Numbernan pa awe: 3, 22, 43 y 47.



Virgo

E tono di sorpresa cu ta rondona bo ta hopi halto. Loke bo ta busca bo ta haya, incluso, bo ta keda maraviya di un reaccion inespera den un hende cu bo no a spera. Numbernan pa awe: 13, 37, 45 y 56.



Libra

Ta e momento di reanima un relacion mita drumi. Bo signo ekilibra y harmonisa ta ricibiendo un energia altamente positivo y esey ta contribui cu cosnan ta normalisa. Numbernan pa awe: 16, 28, 31 y 46.



Scorpio

Warda prome cu actua. Mercurio ta den movicion. Tur cos ta posibel pa awe. No obstante, na e momentonan aki cierto cosnan ta complica. Numbernan pa awe: 4, 14, 22 y 36.



Sagittario

Algun solucion lo bay tarda un tiki. Bo mester tene pasenshi ya cu loke bo ta desea di mira materialisa di biaha por tarda algun dia. Den cosnan sentimental, bo ta bon. Numbernan pa awe: 5, 14, 24 y 38.



Capricornio

Bo ta algo tristo. No laga bo mes desanima door di circunstancianan. Si bo laga depression podera di bo, lo bo no por saca dilanti proyectonan cu bo tin pensa di realisa. Numbernan pa awe: 16, 24, 35 y 44.



Aquario

E influencianan planetario por causa bo cierto instabilidad emocional, hibando bo pa recuerdo y imagennan di pasado. Purba di mantene bo cabes cla. Numbernan pa awe: 13, 23, 31 y 40.



Pisces

Cuida bo mes di personanan manipulado. Ta existi e posibilidad di un entrada adicional, un placa cu ta yega na e miho momento, Piscis. Cuidao pa bo no gasta demas. Numbernan pa awe: 1, 32, 47 y 53.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Hende

Muhe den Dificultad
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19 Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17 B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord (close to the hotels)
Tel: 736-2952 or 593-7081

Dokter na warda



Oranjestad

Hospital
7:00 pm / 10:00 pm

San Nicolas

Dr. Vis
Imsan

Botica na warda

Oranjestad:

Dakota
Tel. 588 7364

San Nicolas:

Botica Aloë
Tel. 584 4606

Servicio di Taxi

Aruba Transfer Tour & Taxi C.A.

Pos Abao #41
P.O. Box 723 Aruba
Tel: 582 2116 / 582 2010
Fax: 583 6988

Taxi Adres Services (24h)

L.G. Smith Blvd. #234
Oranjestad Aruba
Tel. 587 5900
Fax: 587 1928
E-mail: tas@setarnet.aw



A1 Taxi Services Aruba

Moko 56 T
Tel: 587-8850
Tel: 280-2828
Whatsapp: 592-7024
E-mail: a1taxiservices.aruba@hotmail.com

Schedule Maart 2020

			ARR	DEPT	BERTH
TUE	10	FREEDOM OF THE SEAS	08.00	21.00	B
		MARELLA DISCOVERY 2	08.00	23.00	C
WED	11	MEIN SCHIFF 2	07.30	20.00	B
		ZUIDERDAM	13.00	23.00	C
		FREEWINDS	06.00	****	E
THU	12	CARNIVAL HORIZON	08.00	16.00	C
SUN	15	MS SEVEN SEAS EXPLORER	09.00	19.00	C
		FREEWINDS - DEPT.	****	23.15	E
TUE	17	CELEBRITY SUMMIT	08.00	17.00	B
		BRITANNIA	08.00	18.00	C
WED	18	MONARCH	07.30	15.30	C
		FREEWINDS	06.00	****	E

EMERGENCIA

911

POLIS	
Oranjestad	100
San Nicolas	104
Santa Cruz	105
Noord	
107	
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	
913	
Seguridad Nacional	
11911	
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	
588-7364	
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	
583-8560	

UTILIDAD

Setar	117
Web	525-4600
Elmar	523-7147

Centrale Bank van Aruba Daily Exchange Rates - 03/10/2020



Currency ¹	Buying from Public ²	Buying from Public ³	Selling to Public
ANG	98.00	100.00	100.20
ANG1 ⁴	-	-	100.00
USD	1.77	1.78	1.80
CAD	1.28	1.30	1.32
CHF	190.69	191.41	192.21
GBP	2.26	2.31	2.37
JPY	168.47	170.00	171.71
EUR	200.39	202.22	204.25
DKK	26.08	26.80	27.60
NOK	17.74	18.46	19.26
SEK	17.80	18.52	19.32

For amounts up to Afl. 100,000

Anochi di informacion na Colegio EPI diabierna 13 di maart 2020

ORANJESTAD - Colegio EPI ta organisa diabierna 13 di maart su anochi di informacion 2020 caminda lo duna informacion valioso na tur estudiante di scolnan secundario. E anochi di informacion lo tuma luga di 5:30 p.m. pa 8:00 p.m. den e Auditorium di Colegio EPI, caminda cu lo tin varios booth di informacion di e diferente opleiding/formacionnan cu EPI ta ofrece.

Ademas cada unidad lo tin nan presentacion individual cu ta parti den dos sesion, esta di 6.00p.m. pa 6.45p.m. y di 7.00p.m. pa 7.45p.m. den e siguiente localidad:
Unidad C&T: lokaal CT10
Unidad H&T: lokaal CT11
Unidad S&S: lokaal CT 12
Unidad Economia: lokaal CT13

E entradanan pa e anochi aki lo ta GATE 10 (banda di MC Donald's) y GATE 9 (dilanti Prinses Amalia Basisschool).

Meta principal di e anochi di informacion ta pa informa studiantenan di scolnan secundario EPB, MAVO y HAVO tocante e opleidingnan/formacionnan cu tin na Colegio EPI y kico ta e rekisitonan di admision. Ta importante pa tene na cuenta cu pa wordo acepta pa un opleiding mester cumpli cu e perfil cu e opleiding ta exige. Colegio EPI ta encurasha mayornan tambe pa bin cu nan yunan pa asina duna guia y sosten

den nan decision pa scoge un estudio.

Ora un estudiante caba Colegio EPI e ta un profesional riba nivel intermedio (MBO). Hopi estudiante ta dicidi cu nan kier sigui studia despues riba nivel HBO. Durante e anochi aki e estudiante por haya mas informacion tocante esaki y tambe lo tin oportunidad di papia cu studiantenan actual di Colegio EPI y nan experiencia na scol.

Pa e estudiante cu ainda no ta sigur den cua ramo e kier sigui studia den futuro, Colegio EPI ta encurash'e pa pasa bishita tur e boothnan presente pa asina e por haya informacion di tur opcion cu Colegio EPI ta brinda

Pa mas informacion di e anochi di informacion, un mapa di e campus y Colegio EPI en general por bishita e website na www.epiaruba.com.

Seminario Consultativo na MANA riba retonan di cambio di Clima den Caribe

ORANJESTAD - Diahuebs awor 12 di maart entre 14:00 y 18:00 den auditorio di MANA tin un encuentro entre Organizacionnan Gobernamental, Organizacionnan No Gobernamental Arubiano y cientificonan di Universidadnan Hulandes y di Caribe Hulandes.

Lo presenta charlanan relaciona cu cambio di clima y su relacion cu bida comunitario. Tambe lo tin presentacion di un proposicion di

un programa door di Prof. dr. Corinne Hofman y dr. Francisco Guadeloupe cu lo entrega na e Organizacion Hulandes pa Investigacion Cientifico (NWO).

Basa riba e presentacion di e prome concepto di e programa lo delibera riba preguntanan di investigacionnan pa e programa final cu lo entrega na NWO pa financiamiento. Meta di e programa ta pa investiga di diferente perspectiva con hende a anda cu cambio di clima y su impacto

riba diferente tereno di bida. Resultado di e programa ta pa identifica solucionnan duradero con pa anda cu cambio di clima na nivel di Caribe y globalmente.

Personanan cu por y desea di duna un contribucion na e deliberacion di formulacion di preguntanan investigativo pa e programa final ta bon bini. Sea asina bon di notifica via email harold.kelly@gmail.com pa mas tarda dia 12 di maart pa 11:00'or bo participacion.

Caribbean Cinemas
PH VIP At Paseo Herencia 582-3693
PBP Palm Beach Plaza Mall 586.0074
caribbeancinemas.com
f Caribbean Cinemas Aruba

MORE VARIETY IN PROGRAMMING AND SHOWTIMES NOW WITH 14 SCREENS!

MARCH 6-11

ONWARD
TOM HOLLAND | CHRIS PRATT
Disney PIXAR
WITH SPANISH SUBTITLES
PH MON-FRI 6:40 SAT-SUN 2:00 | 4:20 | 6:40
PH VIP MON-FRI 5:50 | 8:10 SAT-SUN 3:30 | 5:50 | 8:10
CXC MON-THU 5:15 | 7:40 FRI 5:15 | 7:40 | 10:00 SAT 2:50 | 5:15 | 7:40 | 10:00 SUN 2:50 | 5:15 | 7:40
PBP MON-FRI 4:20 | 6:40 | 9:00 SAT-SUN 2:00 | 4:20 | 6:40 | 9:00
SENSORY FRIENDLY PRESENTATION SATURDAY, MAR 7 AT 1:00PM
MON-FRI 4:45 | 7:05 SAT-SUN 2:25 | 4:45 | 7:05

BAAGHI 3
TIGER SHROFF | SHRADDHA KAPOOR
PBP MON-SUN 9:00

BRAHMS: THE BOY II
KATIE HOLMES | CHRISTOPHER CONVERY
PH MON-THU 6:40 | 8:50 FRI 6:40 | 8:50 | 11:00 SAT 2:20 | 4:30 | 6:40 | 8:50 | 11:00 SUN 2:20 | 4:30 | 6:40 | 8:50
PBP MON-THU 5:30 | 7:35 | 9:40 FRI 5:30 | 7:35 | 9:40 | 11:45 SAT 3:25 | 5:30 | 7:35 | 9:40 | 11:45 SUN 3:25 | 5:30 | 7:35 | 9:40

SONIC THE HEDGEHOG
WITH SPANISH SUBTITLES
PH MON-THU 6:00 | 8:20 FRI 6:00 | 8:20 | 10:40 SAT 3:40 | 6:00 | 8:20 | 10:40 SUN 3:40 | 6:00 | 8:20
PBP MON-FRI 4:20 SAT-SUN 2:05 | 4:20
MON-THU 5:05 | 7:20 FRI 5:05 | 7:20 | 10:00 SAT 2:50 | 5:05 | 7:20 | 10:00 SUN 2:50 | 5:05 | 7:20

THE CALL OF THE WILD
HARRISON FORD | KAREN GILLAN
WITH SPANISH SUBTITLES
PH MON-FRI 6:00 SAT-SUN 3:30 | 6:00
PBP MON-FRI 4:00 | 6:30 SAT-SUN 1:30 | 4:00 | 6:30

THE INVISIBLE MAN
ELISABETH MOSS | ALDIS HODGE
PH MON-THU 7:30 FRI 7:30 | 10:15 SAT 2:00 | 4:45 | 7:30 | 10:15 SUN 2:00 | 4:45 | 7:30
PBP MON-THU & SUN 6:35 | 9:15 FRI-SAT 6:35 | 9:15 | 11:20

BAD BOYS FOR LIFE
WILL SMITH | MARTIN LAWRENCE
WITH SPANISH SUBTITLES
PBP MON-FRI 4:00 | 6:40 | 9:20 SAT-SUN 1:20 | 4:00 | 6:40 | 9:20

BIRDS OF PREY
MARGOT ROBBIE | MARY ELIZABETH WINSTED
WITH SPANISH SUBTITLES
PBP MON-SUN 9:25

FANTASY ISLAND
LUCY HALE | MAGGIE Q
PH MON-THU & SUN 8:30 FRI-SAT 8:30 | 11:00

OPENING MARCH 12: MY SPY, THE HUNT, I STILL BELIEVE, BLOODSHOT

THE MAGIC OF THE MOVIES ON YOUR MOBILE DEVICE
Download on the App Store GET IT ON Google Play

LIKE US ON

facebook

Facebook.com/bondianoticia

Pronostico di Tempa

Tempo:
Parcialmente nubia cu un awasero breve

Temperatura maximo 32 grado Celsius temperatura minimo 27 grado Celsius

Bahada di solo : 6:50pm subida di solo : 6:49am.

Biento:
For di direccion oost y modera te basta fuerte; forsa 4 te 5 (20 te 39 km/ora, 11 te 21 nudo). Den dia fuerte te posiblemente duro den rafaga; forsa 6 te 7 (40 te 61 km/or, 22 te 33 nudo)

Situacion general di

tempo pa proximo 24 ora:

Humedad den e partinan mas abou di atmosfera por pone un awasero breve desaroja den oranan di marduga y mainta trempa. Sobre di dia clima lo keda generalmente seco. Stof fini di Sahara lo bolbe dreña region y lo stroba visibilidad un poco durante proximo dia of dos.

Condicionnan maritimoo/ estado di lama:


Un estado di lama modera te localmente poco bruto, specialmente na partinan oost te noordwest, ta wordo spera pa proximo 24 ora.



Olanan ta for di direccion oost- noordoost. Haltura di olanan lo ta di 5 te localmente 8 pia na partinan oost te noordwest; labaderanan modera for di noord lo haci lama localmente poco bruto na costa.

Aviso/ alerta:
Un aviso pa boto chikito ta na vigor, specialmente pa partinan oost te noordwest di costa y lama habri generalmente.

Astronomo amateur ta descubri strea inusual



(CNN) – Ora streanan comporta straño, astronoman ta ripara. Den e caso di un strea conoci como HD74423, tabata astronoman amateur ken prome a nota e anormalidad den data captura pa e satelite recién di NASA, TESS. Locual nan no a realisa ta cu nan tabata mirando un tipo henteramente desconoci di strea – e prome di su especie.

E strea aki, ubica como 1,500 aña luz leu di Tera, a ser poni den atencion di comunidad astronomico – pero astronoman no a compronde tampoco.

Simon Murphy, co-autor di estudio y investigado postdoctoral di Instituto pa Astronomia di Universidad di Sydney, a bisa cu locual a hala su atencion ta cu kimicamente ta un strea peculiar. “Stranan asina ta usualmente rico den metal, pero esaki ta pover den metal, pa locual e ta un tipo raro di strea cayente.”

E strea ta alrededor di 1.7 biha e masa di nos Solo. Y nan a mir’e pulsando – pero solamente un banda di e strea, un latido di curason ta blink na nos for di un distancia largo.

Ta conoce cu streanan por tin un pulso, y hasta nos propio solo ta exhibi e sorto di actividad aki pa motibo di gas cayente bou di e superficie, causando oscilacion. Pero tur strea ta similar cu por mira e pulso riba tur banda di e strea.

Esey ta, te awo. E strea nobo ta parece di tin pulso solamente den un hemisferio di

su superficie.

Don Kurtz, co-autor di e estudio, a bisa cu teoreticamente desde añanan 1980 tabata sa cu streanan asina mes ter existi. “Mi tabata busca un strea asina pa casi 40 aña y awo finalmente nos a haya un.”

A publica e estudio dialuna den journal Nature Astronomy.

E investigadonan a bisa cu awo cu nan sa cu e sorto di strea aki ta existi, nan ta spera di ‘haya hopi mas scondi den datonan di TESS.”

Condena menor den caso di ex-codificado di CIA

NEW YORK (AP) — Un ex-ingeniero di software di CIA, acusa di horta un cantidad enorme di herment di hacking di e agencia y di entrega esaki na WikiLeaks, a ser condena unicamente pa cargonan menor dialuna, despues cu un hurado a keda dividi riba e cargo mas serio di spionahe.

Un hurado a condena Joshua Schulte, kende a traha como codificado na sede di e agencia na Langley, Virginia, di desprecio di corte y duna declaracion falso, despues di un huicio di cuatro siman den corte federal di Manhattan, cual a duna un bista inusual

riba spionahe digital di CIA y e team cu ta diseña e codigo di computer pa spiona adversarionan stranhero.

Despues di delibera desde siman pasa, e hurado no a logra yega na un veredicto riba e acusacionnan mas significativo. Nan a notifica hues di distrito Mericano, Paul A. Crotty diabierna cu nan a logra consenso riba dos cargo, pero no a logra yega na un veredicto riba otro ocho.

Despues cu a ricibi instruccion pa resumi deliberacion dialuna, hurado a manda un nota bisando cu nan tabata ‘extremadamente stanca’. Un di nan a bisa cu tabata dividi

net na mita riba e cargonan mas serio.

After they were instructed to resume deliberations Monday, jurors sent a note saying they were “extremely deadlocked.”

Schulte a bandona e agencia den mal termino despues di pelea cu su colega y supervisor, y fiscal a describi e leak di informacion como un acto di vengansa.

E leak a revela esfuerso di CIA pa hack smartphone Apple y Samsung y hasta a describi intento pa converti television conecta riba internet den aparatonan pa scucha. Pero defensa a bisa cu fiscal



no a presenta un caso claro ni muestra con nan por ta sigur cu Schulte tabata culpabel, ya cu e red di CIA di cual a horta

e data ‘tabata lo mas leu di ta sigur’ y cu ‘centenares di persona tabatin acceso, centenares cu por a hort’e’.

Hardineria sostenibel ta inclui practica eco-friendly

MERCA (AP) – ‘Sostenibel’ ta un di e palabranan den tendencia pa hardineria, pero e ta conta cu un variedad di definicion. Pero kico e ta den practica, y con importante e ta pa hardineronan?



Hopi importante, segun un estudio di tendencia di mata realisa pa horticulturalista di Instituto di Ciencia di Cuminda y Agricultura (IFAS) di Universidad di Florida (UF). Esaki a haya interes grandi den mata nativo, haci hardin salvahe bek, crece comestibel, y bay suave riba bida salvahe, entre otro preocupacion.

Segun un agente horticultor cu Extension di Ciencia di Cuminda y Agricultura di UF, Mark Tancig, mas persona cada bes ta apoya sostenibilidad unda e factornan social, ambiental y economico ta balansa. Esey ta nifica planta cosnan cu no ta rekeri tanto awa of fertilisante. Usa mata cu ta resisti malesa y insecto. Scoge mata nativo den mix cu ta atrae bida salvahe. “Nan ta restaura medio ambiente”,

el a bisa.

Sostenibel no ta necesariamente igual na organico, segun Erica Chernoh, un horticultor di Oregon State University (OSU). “Organico ta legalmente reconoci. Sostenibel ta mas un buki habri, combina factor ecologico, sociologico y economico.” Ross Penhallegon, horticultor emeritus cu e OSU a bisa cu sostenibilidad ta rekeri pa nos tur ‘mira nos hardin y puntra kico nos por haci pa reduci footprint di carbon, reduci irigacion y usa menos producto’.

Esaki ta inclui:

-Compost na luga di tira restonan di e hardin afo. Esaki ta tene tur e nutrientenan y ta alimenta e suelo, tambe spaar placa pasobra no mester cumpra compost.

-Cambia di sprinkler pa irigacion di drip por reduci uso di awa pa 80%. Tambe por usa mata resistente pa segura y spaar placa.

-Minimisa uso di pesticida plantando mata grandi cu ta resisti pest y malesa miho cu esunnan chikito.

-Planta bo propio cuminda wardando simia di bo matanan mas saludabel pa usa e siguiente aña.

-Combati insecto cu Maneho Integra di Pest, cu ta usa e metodonan menos toxico, reduciendo riesgo na humano, animal, pollinator y otro insecto beneficioso.

Hardineronan ta opera na un escala mas chikito cu agricultor, pero toch por tin impacto mayor, segun Chernoh. Nan por haci esey door di no fertilisa di mas y stop spray cu no ta necesario.

Aruba por entrega peticion na VNOA pa asistencia tecnico

ORANJESTAD - Recientemente Minister Chris Romero, a ricibi bishita di drs. David Abrahams, kende ta representante suplente di Hulanda na Aruba.

Durante e encuentro aki, Minister Romero a duna sr. Abrahams amplio splicacion di e Carteranan di Transporte, Comunicacion y Sector Primario. A trece dilanti e plannan cu tin ariba mesa, cu ta entre otro: San Nicolas Ports, Fast Ferry, Setar, Arubus y algun otro departamento cu ta na encargo di Minister Romero. Segun e comunicado cu nos

a ricibi ta indica cu Abrahams a duna informacion di su tareanan y su metanan como representante suplente di Hulanda na Aruba. Tanto Ministro Romero y Abrahams a intercambia informacion y comentario ariba e situacion reinante di y na Venezuela, como tambe e consecuencianan cu esaki tin pa Aruba.

Tambe toca temanan di aviacion civil, entre otro e ICAO audit, e situacion di e Departamento Maritimo, e Departamento di Transportacion Publico, como tambe a papia riba e Compania Estatal Arubus N.V., den cuadro di trans-

porte publico en general. Durante e reunion aki a sondea posibilidadnan pa intercambio di experticio cu Hulanda ariba diferente area, entre otro Agricultura. Sr. Abrahams a menciona cu den cuadro di e "bijstands-verzoek", Aruba por entrega peticionnan na VNOA pa asistencia tecnico for di Hulanda.

Un encuentro unda cu a intercambia hopi informacion y a palabra cu ta keda den contacto den futuro, pa asina duna asistencia unda cu peticionnan keda haci. Sigur, un reunion hopi positivo y fructifero.



ArubaDag Festival 2020 posponi te proximo aviso

DEN HAAG – E ArubaDag Festival cu lo mester a tuma luga 29 di maart proximo den Ahoy na Rotterdam a keda posponi. Esaki ta esencia di e declaracion haci pa Minister Plenipotenciario, Guillfred Besaril, diabierna siman pasa via un video riba Facebook.

Arubahuis a bin nota cu algun di e medionan di comunicacion a usa e palabra "cancela" den nan titular of como palabra central den nan comunicado di Prensa. Comision ArubaDag ta lamenta esaki pa motibo cu e ta ocasiona confusion totalmente innecesario.

E decision di pospone ArubaDag Festival 2020 te un proximo aviso, no tabata uno facil. Pero enbista di e incertidumbre y preocupacion cu ta

reina actualmente cu e corona virus na Hulanda, a pone cu e decision na pospone tabata esun di mas responsabel tanto como Gobierno, como organizado di e evento.

E siman aki lo sinta cu entre otro KLM, Hotel y Ahoy pa sondea conjuntamente un fecha nobo, mas despues den e aña, pa e ArubaDag Festival 2020. Esaki ta nifica automaticamente cu e lo tuma luga na momento cu e situacion cu e corona virus ta bou di control y cu tanto e seguridad como bienestar (salud) di tanto e bishitantenan como e artistanan por wordo salvaguardia.

Di antemano nos ta hopi agradecido cu e sosten cu nos a ricibi den comunidad Arubano riba e decision aki y gustosamente comision lo mantene un y tur informa.




Gasolin ta baha cu 4.7 cent

ORANJESTAD - Minister di Finanzas, Asuntonan Economico y Cultura ta anuncia e prijsnan nobo di benta di combustibel entrante 11 di maart 2020:

Gasoline unleaded-premium	: 197,2 cen p/ltr. (- 4,7 cen)
Diesel LS	: 160,6 cen p/ltr. (- 11,8 cen)
Kerosin	: 148,6 cen p/ltr. (- 12,6 cen)

E prijsnan ta inclui BBO/BAZV/BAVP



BON DIA
ARUBA

Laga nos
STOP
di Skonde
ABUSO CONTRA MUCHA
kibra silencio yama:
588-1010

Pais Aruba ta purba di evita ‘aanwijzing’ cu ainda ta riba mesa



ORANJESTAD – Un biaha mas, Prome Minister, Evelyn Wever-Croes a referi riba colegio di supervision financiero (CAft) y nos finanzas publico.

E prome mandatario ta haya cu e resultado di e trabou financiero cu gobierno a desplega durante 2019 a wordo publica y te hasta evalua ariba e di cuater kwartaal reportahe di aña pasa. E reportahe aki a wordo manda pa

CAft y -segun prome mandatario su opinion- e reaccion di CAft di dia 25 di februari ta 'un di e mas positivo' cu el a yega di mira durante su gobierno. Aunke e ta reconoce cu pais Aruba no ta caminda mester ta ainda, y te hasta tin punto di mehoracion y di conseho.

Un aspecto peligroso ta cu pais Aruba tin un debe di mas cu 75% di nos GDP. Considerando Aruba su economia, e

debe aki mester ta entre 45% pa 55% di nos GDP. Y el a referi na e debe cu su gobierno a hereda for di e gobierno anterior, cu el a tilda cu nan a lag'e casi den un 'bancarota financiero.' E unico manera pa atende esaki ta via un surplus financiero pa medio di medidanan cu e ta considera cu no ta afecta henter comunidad.

E prome mandatario a indica cu nan kier evita di bin cu au-

mento di BBO of introduccion di un crisis tax, manera nan a yega di haci na 2018, ya cu e ta afecta henter comunidad. Y nan decision como gobierno ta pa no bin mas cu e tipo di medida aki. Mas bien nan ta bay wak cual areanan no ta aportando debidamente na caha di gobierno pa zorg pa e placa ey drenta manera mester ta.

El a pasa riba e puntonan mas importante, entre nan cu e presupuesto 2019 a cera cu un surplus no spera di 0.7%, alrededor di 43 miyon. El a splica cu esaki ta e sector colectivo plus e institutonan. Y gobierno mes a cera cu un deficit di 10 miyon, mientras cu esaki por ta na 25 miyon florin, a base di e palabracion haci cu Hulanda den e protocol firma na fin di 2018. E deficit di e presupuesto aki mester ta te un maximo di 0.5%.

Gasto di personal

Otro gasto cu semper ta bira controversial ora ta trata finanzas publico ta e gasto di personal. Tambe premier Wever-Croes ta considera cu e gasto aki a baha te 475 miyon. E gasto aki a wordo presupuesta a base di e plafond

maximo palabra cu Hulanda di 479 miyon florin, mientras cu na 2018 e gasto di personal tabata na 482 miyon florin. E ta cualifica e rebaho aki como esun mas grandi cu pais Aruba a yega di mira riba e concepto aki.

Te hasta e discusion cu a wordo hiba riba e Social Crisis Plan versus gasto di personal, caminda Hulanda a para ariba pa e gasto di personal bou e Social Crisis Plan tambe por a cay bou e norma di 479 miyon florin. Segun e cifra cu e prome mandatario a trece dilanti, Social Crisis Plan tabatin un gasto total di 2.7 miyon den e 31 proyecto cu nan ta bin haciendo pa atende cu e problema social di nos pais. El a saca su suma, pues si e gasto aki ta wordo buta ariba e 475 miyon di gobierno, e ta yega na 477.7 miyon cu ta bao di e 479 miyon cu a wordo palabra.

A pesar di e criticanan, premier Wever-Croes a bisa cu e logro aki te hasta a wordo remarca na Hulanda, unda nan a haya comentarionan positivo. Tur esaki e ta haya cu ta rehabilita e confiansa entre pais Aruba y Hulanda, y tambe evita e 'aanwijzing' cu ainda tabata riba mesa.

Malesa di cancer por desaroya na cualkier edad

ORANJESTAD – E malesa di cancer por yega sin importa si ta mucha, hoben of un adulto, cualkier persona por haya e malesa. Sinembargo tin fundacion pa cualkier persona cu pasa den e malesa aki por acerca pa informacion, guia y ayudo.

Lily Prins di Koningin Wilhelmina Kanker Fonds ta bisa cu tur sorto di cancer por yega na porta di cualkier persona, sin importa nan edad. "Awendia no por bisa mas", antes tabata mira e malesa presenta cerca persona di edad avansa.

Den caso cu e persona por ta hoben, mucho biaha nan tin berguensa of miedo di acerca un fundacion of pa bay dokter, y esaki ta pone cu e cancer por avansa y bira pio sin tratamiento. Pero Prins ta bisa cu nan por yega e fundacion sin e miedo pa por haya e ayudo cu nan mester.

E fundacion ta yuda si mester manda e pashent den exterior y cu e gastonan cu esaki

por trece cune, 'ora nos bisa cu nos gasto ta haltu'. Pa es motibo e fundacion ta haci actividad pa por cubri e gasto pa por keda funciona y brinda nan servicio. Prins ta bisa tambe cu e boluntarionan ta haci nan 'bon trabou', e enfermeronan cu ta keda wak

pa pashent te na ultimo momento.

Sinembargo, Prins ta remarca cu e porcentahe di pashent cu ta bay opera afo, mayoria ta keda na bida. Mayoria cu ta sali bay exterior ta pasobra nan a opera aki na Aruba.

"Nan ta yega na porta pa yudansa den nan fase terminal. Ora nan ta yega Wilhelmina ta te na final." E ta remarca cu tin pashent cu a opera cu nan 70 aña di edad y ainda ta na bida. Mucho biaha e pashent ta yega e fundacion ta pasobra

nan kier yudansa urgente. E ta bisa cu e ta ofrece e yudansa como boluntario y di curason. "Ami ta duna servicio 24/7 tur ora na hende tin problema. Ora cu e malesa bati na bo porta bo sa kico e persona ta pasa aden", Prins a finalisa.

